

管氏指蒙

管氏指蒙序

或問立天之道曰陰與陽立地之道曰柔與  
之道曰仁與義天地陰陽之體天者剛之體  
之用地者柔之體柔者地之用仁義者天之性  
三才之位分而三才之道不同也應之  
道一分者分其勢一者一其元聖人教人由近達遠  
固當以人事為先治流探源則人事遠於天地故通  
天地人曰儒謂其不然則伏羲何以畫八卦黃帝何  
以造甲子何謂堯考中星而正四時何謂舜察璇璣  
以齊七政何禹繼舜以執中而曆數在躬何有扈

棄三正而廢恭得來罰何義和微據天紀而仲康  
命徂征何成湯克享天心而受天明命文王何以重  
卦而為六十四武王何以訪箕子而作洪範何周公  
作爻辭孔子作十翼熒熒乎具載六籍通濟三才  
亘古一理靡或偏戾慮天下後世流於禍福以役  
於人事是以諄諄乎三綱五常而不敢屑屑乎五行  
三正使人安之而無妄言固聖人之本心也雖然有  
所本必有所流彼蒙陋腐儒不明聖人之求心至使  
陰陽剛柔之道茫然而不省銷長盈虛之數懵然而  
不知以謂五事無鍾於五音六律無感於五情五

六極不由於定數猖狂冒昧無所忌憚反以左氏紀  
災異為誣太史公志天文為金縱橫十五之數散於  
方伎送死之大事聽於臧奴而禍福之說益肆理義  
乖舛不可稽攷茫茫蕩蕩始流於無涯矣故楊子雲  
設或人渾天之問而應之曰洛下閎營之鮮于妄人  
度之耿中丞壽昌象之幾乎談大者莫之能遠也而  
吾聖人之訓已不餘矣問者覺而進曰人由壽土而  
生氣之用也氣息而死必歸藏於五土返本還元之  
道也贅於五祀格於五配五配命之五祀司之此子  
孫禍福之所由也願著所聞以隄其流庶統三才於

一。元。以。祐。天。下。之。感。遺。於。後。世。不。亦。博。乎。權。應。之。區。  
唯。然。著。之。成。篇。則。何。以。為。名。曰。必。指。蒙。帝。之。於。是。為。  
指。蒙。序。云。

三國魏管輅公明序

李淳風表奏

臣聞五行衰旺。雖陰陽革命之時。七魄歸藏。亦息氣還元之理。因終以始。惟變乃通。故木火上。金水之相生。實水火金木土之迭運。至于商角宮羽徵之交錯。無非宮商角徵羽之盈虧。是以上雖奠于黃鍾。令或行于四季。何介百福而俾百禍。由五帝以屬五神。于以虛中而建中。是用泰來而否極。雖建天正。陰建地亦然。天道甚微。而人道甚危。當任天心之得失。何從人事之從違。萬物不逃于形化。墳塋唯至于神依棺槨。特羞其暴露。陰陽豈免于推遷。一氣既同。五行昭

察順消長盈震之理見吉凶禍福之原臣薄通風水  
彙習陰陽嘗觀地理之興衰每攷天文之變運欲窮  
真趣未盡精微及觀管氏之指蒙頓覺心眸之開豁是  
書也篇之闕與字字申明但歷四百餘年之久顛倒  
混淆譌舛刊竄無復至理臣等竟校定篇章箋傳註  
釋以成次序仗後之觀者或可覽而知旨云

唐太宗貞觀十四年

朱允升序

魏管輅公明指蒙書一卷蕭言李淳風袁天綱注或以爲王伋趙卿之筆蓋莊生所謂重言者也趙卿五代王朴之孫所著有心經撥砂詩諸文大率與此書之旨相出入此書蓋其總會者余復讀而深喜之竊以爲郭氏葬書之義䟽而矮仙杖法之根源也然辭夥義粵引物比類上究化源泝于古初欲盡錄之非特筆力不給且虞讀者之憚故纂其施用者而摘錄之欲盡其詳者則有元書在時歲在己巳十月初吉間端於臨河書塾借予本者月潭宗人仲節甫也



又云

此書非眼目明不能看非曾襟大不能包無目下撻  
徑之益有優游厭飫之功

指蒙後序

宋 王役 著

天地之生萬物河岳之配星彊日月之有盈虧寒暑  
之有代謝此四者雖出其所自然而陰陽風水默默  
相符者何哉良由上臨下載積氣昭回故也且王者  
之統治萬國討其不服撫其微弱行其號令一其法  
度庶可為奕世之資矣既而顛覆厥德驕奢淫縱疎  
棄賢能信用諛邪以至于內離外叛身弑國亡故禍  
福無不自已求之抑亦莫不由于天命也故夏癸之  
誅豪傑自臨危亡商辛之戮忠良禍不旋踵周忌僭

孤之誣終成襃姒之亂秦惡亡胡之讖卒為劉項之  
資隋卜三千而延三十晉筮二百而僅百二長安繫  
獄而興宣帝奉天修壘而幸德宗數滿百而業繹南  
面嘉穗九而光武中興三日重瞳而兩不顯五馬競  
渡而一為龍誰知鑿水行船信有兩宮夾墓蓋興亡  
治亂勝負得失雖可以數而測然虧盈變化感哀消  
長奚能相戾也至于陰陽之道亦莫不然其大則龍  
絡宇宙微則參差毫釐古者伏羲之畫八卦也靈馬  
負圖于河大禹之典九疇也神龜負書于洛八卦象  
吉凶九疇陳福極河圖見則通四時定八節洛書備

則障九澤濬九州河圖洛書相為經緯八卦九章相  
為表裏是以先天之易乾南而坤北離東而坎西文  
王之易離南而坎北震東而兌西此小往而大來先  
聖後聖司福司災莫不循環轉運故梓慎能知昭公  
之火而不知其次孟珪能知王者之興於微賤而不  
知為宣李尋能知漢有中衰之象而不知為王氏西  
門惠能知當有真人起而不知為光武張盥能知燕  
之滅秦而不知為姚氏王弘正能知國家有兵起而  
不知為侯景李淳風能知女主之禍而不知為則天  
苗訓能知聖人恭膺天命而不知為藝祖劉豫能識

其本末而不知國亡身變然此數輩皆造于精微達于至理且知其一而不知其二故公明有曰卜非至精不能見其數術非至妙不能覲其道而況區々鹽米之末可同日而語哉欲窮造化之源難矣夫識人之所不識者真識也見人之所不見者真見也出乎其類拔乎其萃有若公明之睚者誠然不世出也公明之妙者仰則覲象于天文俯則覲法于地理盡樗里之真詮窮魏公之奧旨千山萬派總于詞峯四勢三形如示諸掌蠅龍伏虎不加減于分寸舞鶴翔鸞亦區別其遐邇回翠屈曲具四鎮而既詳死拙生

猝挾兩途而皆備發將往將欲其真純息道漏道分  
乎相替必也欲銀海之達現宜靈犀之莫端粵自總  
角弱齡已有成人之志則曰家鷄野鶴尚或知時吾  
靈萬物寧無所嗜優游蓍以如愚曠蕩皇皇而忘  
寐不慕褒譏不擇非類歷尋衆以開心誦驅遣而解  
意棹砂畫土衆日月以法星辰閱水觀山極乾坤而  
亨貞利暨志學于中年遇千春而興議徐々舉止自  
如願々申明理致滿筵驚喜咸謂天機舉生悚息信  
然神知命世之大才當時之偉器議者凜然而悟欣  
然而起始卜利漕郭恩三紀以無虞或筮庶平刘奉

仲秋而復壽王基三怪當憂而無憂都令兩棺聞駭而不駭清河之遷江夏燕入懷中渤海之擢王弘雖羅直內蒿原三物以全名孝國二省而盡死何晏之禍已先期青蠅集鼻劉放之寵而預定雞羽藏巖校鍾繇之始生定季龍之未獲東方豚酒飛鳩忽至梁頭北伍虞滿喜鵲初來閣上會倪侯之歎歲注兩可期哀丘儉之凶墳青龍無足指蒙百卷遺後世以認山撥砂千篇詔將來之原勢其智足以佐雍熙其言足以包宇宙其明足以察秋毫其志足以清四海其德足以振八紘其文足以垂萬代孔子曰有始有卒

者其惟聖人乎嗚呼先之不可及後之不可過雖馬  
遷之博物班固之稽古京房之精妙翼奉之聰明郭  
璞之幽微筠松之慧智而並無全身遠害之術有若  
公明之知命自有生民以來未之有也後之學者其  
可忽諸



管氏指蒙目錄

有無徃來

山岳配天

配祀

相土度地

三奇六儀

四鎮十坐

辯正朔

釋中

乾流過脉

象物

明堂

支分誼合

釋子位

離窠入路

形勢異相

朝從異相

三逕釋微

四勢三形

遠勢近形

應案

擬穴

得穴

擇向

復向定穴

承祖光宗

五方旗

左右釋名

五鬼克應

次舍祥沴

克人成天

二道釋微

易脉崇勢

日者儒流

五行五獸

方園相勝

詭結

心目園機

釋名

山水會遇

盛衰改度

釋術

三五釋微

山水釋微

降勢住形

離實親偽

尋龍經序

望勢尋形

水城

陽明造作

擇日釋微

迷徒寡學

飾方售術

亨絕動靜

師聰師明

貪竒失險

通世之術

三停釋微

企盼

憑偽喪真

過脉散氣

左右勝負

星辰釋微

預定災福

五行象德

陰陽釋微

差山認主

五行變動

逾宮越分

五行正要

夷天發越

四窮四應

二氣從違

積氣歸藏

天人交際

夷險同異

形勢逆順

盛衰證應

孤奇譎怪

五方應對

氣脉體用

貪峯失穴

支親誼合

因形擬穴

得法取穴

四勢三形

三吉五凶

會宿朝宗

榮謝不同

三家斷例

回龍顧祖

驅五鬼

純粹釋微

毫釐取穴

闔闢循環

釋水勢

陰陽交感

五氣祥沴

九龍三應

形穴參差

望氣尋龍

諸家目錄終

管氏精蒙卷之上

魏

管輅公明著

隋

蕭吉

唐

袁天綱

李淳風

宋

王伋公註

明新安汪尚唐校正

汪尚虞補註

有無往來第一

五太之先三才何有

蕭曰未見氣曰太易氣之始曰太初形之始曰太始質之始曰太素氣形質具曰混沌具而未離曰太極

一元已判五氣乘虛虛變而運五運交通其氣而神明已居

素曰司木曰蒼帝靈威仰之神司火曰赤帝赤熛怒之神司土曰黃帝含樞紐后土之神司金曰白帝白招矩之神司水曰黑帝叶光紀之神皆五行之精積有耀而不可掩者也居猶司也

氣著而神、神著而形、形而有者皆始于無、無變而有、有窮而變、變之道必復於其初、形復于神、神復于氣、往來一氣、理何殊於轉車、故曰一氣積而兩儀分、二生三而五行具、吉凶悔吝有機而可測、盛衰消長有度而不渝、五祀命之、奕奕五宗之裔、五常性之、昭昭五秀之儲。

李曰：五宗以五行爲祖宗，五秀即五行之秀氣也。象吉凶以垂天，示其文之不拘；天聰明而自我，原其道以相須；況吾身參於天地，靈於萬物，經綸五常，操持五正，俾五福六極以慘而以舒，挺然而生者，死之

先寂然而死者生之息理不終息故息之之道為生  
之之樞生者有也死者無也無者往也有者來也往  
來無窮者其為道一作氣

山岳配天第二

天尊地卑其勢甚懸山岳為乎而配天蓋日月星辰  
光芒經緯之著皆精積於黃壤而象發于蒼淵

素曰蒼淵者天鑑也天色蒼蒼而星辰之列象澄  
徹昭映

熒熒煌煌基列曜度簡簡臨臨井畫分野五運相交  
二儀清濁是以上下必統於一元彼卜以木黃鐘



如營室正陽明之方于以分輕重之權

蕭曰山澤通於一氣天地交而為泰不交則為否  
天地交泰萬物咸亨死葬于阜地官主之天宿照  
之則子孫獲福獲戾宅兆之卜可不謹歟素曰二  
十八宿曰躔度十二辰曰次舍五星在天曰墟在  
地曰野

配祀第三

蕭曰漢光武中元元年二月辛卯庭燎祭天于泰  
山以高后配山川群神從此謂祭

或曰有無往來之道其說舊矣敢問生育之先胎腹

之日、父母之志、子孫之性、已不能相沿而相同、有生  
之後、鞠養之情、疾痛之事、已不能相及而相通、豈腐  
化之久、之子之孫、始資蔭庇、當錫之福、曷貽其咎、受  
惡之私、其初不守、

袁曰、在生之日、或愛長而薄少、死葬之後、却旺少  
而衰長、

此蒙所以求亮乎、卜兆曰、托土以生、故還元于五土、  
即神以死、必配祀於五神、昔者周公郊祀后稷以配  
天、宗祀文王以配帝、禱尼土之山、而汚項以鑒其類、  
刑還元於五土、同體而相美、是謂與玄黃同體、欲享

春秋之嘗禘事父孝故事天明事母孝故事地察天明明  
察神明彰矣此子孫小往大來之所繫以十二律稽  
之人鬼之樂與天地神祇之叙理義何嘗或戾

蕭曰天之氣始于子故黃鍾為宮天工畢于三月  
故以姑洗為羽地之氣見於正月故以太簇為角  
地工畢于八月故以南呂為羽人之終歿於鬼必  
歸于北方幽陰所鍾之地故大呂為角應鍾為  
羽此三樂之終始也必盡十二律然後得事親追  
遠之道人鬼之樂以宮商角徵羽為序天地之樂  
以金木水火土為序今三樂不齊豈先人之不祀

耶蓋人和則天地之氣和應墳以祀之則孝子心  
樂不能忘李曰角者萬物之始生也羽者萬物之  
終也天之氣始于十月至正月萬物萌動地功見而天  
功成故天以太簇為徵地以太簇為角至三月萬  
物始達天功畢而地功成故天以姑洗為羽地以  
姑洗為徵至八月萬物盡成地功終焉故南呂為  
羽此天地相與之序也人鬼始于正北成于東北卒于  
幽陰之地始于十一月成于正月則幽陰之魄稍  
出于東方而與人接然人鬼之樂非歲事之有卒  
者必盡于十二月律乃得孝子之心管氏於此立意

甚明矣垂也

封以槨之墳以識之春秋享之則孝子慈孫在心之

樂何時而莫廢問者覺而祇一作曰五土融結有形而有

勢五氣運動有祥而有沴傷計切相此嗣續盛衰之

所繫孔子曰丘之禱久矣則子孫之心亦何時而不

祭

王曰奉襄配祀理義昭然景純好異則謂反氣納

骨以陰所生其說謬戾尤甚公明說此疑難者必

前輩亦有異論但景純失于攷古遂至迷惑後人

可不惜哉

此說自是正論

必景純說似不

可廢

下精水

難

其詞矣

相土度地第四

相土之法曰周原膺膺音武土地腴美當作靡莖菜茶音

苦菜如飴苦糖也謂土豐而曰陟則在嘯語便切山形

曰復降在原公劉此章實在相土度地二儀相之度

之千以復形勢而區別豐淺之疑曰原隰既平泉流

既清

李曰平者山之不險清者水之不滯

亦以著山水之音皆聲詩之至訓與地官司徒體國

經野辯山林川澤丘陵墳衍之名物者其齊矩以同規

蕭曰物謂六物也

是以晉人謀去故絳、成年公諸大夫皆曰必居郇郇音瑕氏之地

郇瑕古國名

沃饒而近鹽、音古也鹽國利君樂不可失也、韓獻子將

新中軍、且為僕大夫、公揖而入、獻子從、公立于寢庭、

謂獻子曰、何如對曰、不可、郇瑕氏土薄水淺、其惡易

橫、古豆反咸也言疾易成也疾本作疾亦勑勤反

易橫則民愁、民愁則墊、丁念反墊溺困水災隘、於賣反於是乎

有沈溺重脰之疾、

沈溺溼疾重脰足疾

不如新田、土厚水深、居之不疾、有汾澮以流其惡也。

且民從教、十世之利也。夫山澤林藪、國之寶也。國饒

則民驕佚、公室乃貧、不可謂樂。公從之。夏四月丁丑、

晉人遷于新田。至哉、韓獻子之論、宣明土地之宜與

不宜。邾文公卜遷于繹。史曰：「利于民、不利于君。」邾子

曰：「苟利于民、孤之利也。天生民而樹之君、以利之也。」

民既利矣、孤必與焉。左右曰：「命可長也。」君何弗為？邾

子曰：「命在養民、死之長短時也。民苟利矣、遷也吉、莫

如之。」遂遷于繹。五月邾文公卒。君子曰：「知命、讎乎？」

左氏之傳、以著從違之證、其鑒于斯、懔懔乎迂陋蠢



騁諱強以譏非不幾乎悖戾於觀流泉相陰陽之  
詩

三奇第五

龍之玄微先式

也格

三奇

曰起

也走

曰卧

也眠

曰蟠

也形

勢

低昂相其潛飛以括其要為尋龍之機其赴者正履

端操一起一伏肢腕翼輔如經絲擺練直縷邊幅趨

長江而重垂其臥者橫亘磅礴迂徐偃息不枝一作

不挺如長蛇隱霧連城接壘枕溪渚而遲遲其蟠者

蜿蜒龍蛇切延延音延蛇蛇音蛇蟠蟠音蟠首尾交顧週

迴關鎮如繫帶纏繞旋根錯節臨湖澗而規規水之

玄微亦式三奇曰橫曰朝曰逸精神氣聚相其委蛇  
以乘其止為躍淵之宜其橫者悠揚寬閑欲趨而澄  
無反無側如橫琴卧笏限地脉之披離其朝者委蛇  
縈迂抑畏謙讓如之如玄捲簾鋪箔無衝割而鳴悲  
其達者欲進而卻欲納而臨如城亭之環衛如擎帶  
之盤旋故曰赴卧蟠兮三奇之山橫朝逸兮三奇之  
水養生沐冠官旺兮表六相之渚澤衰病死墓絕胎  
兮像六極之所歸八幹兮鍾天氣之清二氣兮分真  
地駁雜之始四隅四正兮取八極之變通四墓四絕  
兮擇五氣之指而不理在古之所謂四墓四絕者

野而三奇六儀則未之聞近代以還易之以棺槨而  
三奇六儀又蒙于謬詭惟魏惟魏始為蒙而鑑指  
素曰近代有天三奇地六儀之說全無理致故魏  
羸二公實為明指之說有極心論羸有樛里遺書

#### 四鎮十坐第六

自粗而精自簡而詳此古人心法煉之而至剛自  
精而拙自詳而荒此後人之心術玩之而不良問之  
曰鎮龍頭避龍尾坐龍顙坐龍耳避龍角避龍齒避  
龍目懸壁水坐龍鼻吻汚裏坐龍鬣亦可後鎮龍鬚  
避龍背坐龍肩堪負載坐龍項當曲會避龍頸如伸

臂鎮龍腰避龍腰坐龍臍自然切坐龍乳如重唇避

龍肋不堅牢鎮龍脚坐龍腕避龍肘勢反散坐龍膝

聚內氣避龍爪前尖利是以四鎮十坐穴龍之法備

後達申之則四鎮改度而其坐十二或取諸龍或擬

諸身其歸一揆來龍奔赴宗其顯一作息曰宗龍之

咤一作宅來龍橫卧字古板其肩井曰伏龍之脚來龍

蟠環騎其源護曰騎龍之脊音來來龍磅礴音盤礴承其

碩磬曰承龍之勢四龍已式則四鎮可擇曰鎮龍頭

曰鎮龍項曰鎮龍背曰鎮龍腹四鎮已定則十二坐

可以當其正鎮頭之坐曰額音曰鼻音曰準音的

鎮之坐曰肩井曰耳僊鎮背之坐曰植髻

曰曰奉陶之背如植髻

曰枕髻官切至于枕腹其勢有二端坐之腹則曰

坐乳房坐臍窞坐臍增交元坐膝口切而股切又苦瓜膝

禮也坐翹蹠戶瓦切兩腿兩橫卧之腹則又未焉曰

坐龍頭于以長前人之式而造其優

### 辯正朔第七

天元地元人元也曆窮天道天正地正人正也敬授人時

天元起甲子地元起甲寅人元起甲辰周用天正

建子、商用地正建丑、夏用人正建寅、魯行夏之時也。

天道冬暢、人事春祈。始一作冬終也。陰終而陽始。春蠢也。萬物蠢動而熙熙、人而不天、則昌象以資始。時而不人、則攸作以愆期。

李曰：因天運之變以正一氣之始。在天成象、萬物資始。故也不以人正授時、則攸作愆期。

米時方干行夏徒景農祥而仍背乎七月流火之詩。天駟房星寅月辰中見於南為農祥之候、亦可見始干子。

是安知絕華書王之法日南長至之傳皆一日果列  
七月來復之徵

信公五年春正月辛亥朔日南至李曰七日來復  
建子之月一陰生于午數第七月建子一陽來復  
謂月為日者言其陽也言日如三之日四之日者  
皆陽微之候也

是以天官享三靈之樂必六變八變九變為之等康  
三靈三才也李曰天神之樂六變地祇八變人鬼  
九變理義昭然袁曰三才之精靈也

圜鍾為宮于以降天神函鍾為宮于以降地祇

圜鍾  
天運

地鍾黃鍾為宮、大呂為商、于以祇人鬼之依

李曰神依人而行

夏先王之制作、惟由義以通之、在禮十二月正歲、令  
斬冰者、雖冬官授人時之正、而正月之吉始和者、實  
由天道而推之、迺泰誓之一月戊午武成之一月壬  
辰、皆中黃鍾而不移、始三才之道、同一元而出、竟三  
才之用、析之而莫齊、或者塊然而執、懵然而疑、曰由爾  
之說、則春秋書元年王正月、其已審矣、又何必加春  
之為、徐徐然釋之曰、春秋因魯史行夏之文、非周家  
天正之規、聖人筆削之所不及者、抑存其舊、以譏其



非是以七月壬午朔日有食之而梓慎謂之相遇之  
虧

昭公二十一年秋七月壬午朔日有食之俗問于  
梓慎曰是何物也禍福何如對曰冬躔二至春秋  
二分日有食之不為災日月之行也分同道也至  
相遇也其他日則為災陽不克也故常為水于是  
也鄭哭日食昭子曰子叔將死非所哭也八月叔  
輒卒注云二分日夜等故言同道二至長短極故  
言相遇

疑者曉而祇曰容成造曆以甲配子以仲先季以季

先孟者其旨不在斯何昧昧蒙蒙固而亡變者致天  
人之胥遠

周禮九樂以圜鍾為宮黃鍾為角太簇為徵姑洗  
為羽若樂六變則天神皆降可得而礼函鍾為宮  
太簇為角姑洗為徵南呂為羽若樂八變則地祇  
皆出可得而礼黃鍾為宮大呂為角太簇為徵應  
鍾為羽若樂九變則人鬼皆出可得而礼先王制  
禮尚有天地人之別况天時人事而正朔安得無  
辯應世衡曰曆家建正必擇月將月將者或謂之合神  
以正月建寅雖古今之類或謂之太陽過宮于亥

以正月太陽月將躔詠訾之類二者皆援顓帝曆言之然太陽隨黃道歲差一辰以周髀家藏之法攷之正月建寅雨水後一日太陽方躔詠訾以中氣為用若合神則用節氣逐年逐月逐日逐時五星十二時次舍二十八宿皆不應天行緣時王授正取三陽俱北農事于耜以定曆法通而用之貫乎一理昧者即時王之正以釋顓帝曆冬至日宿斗初今至日宿斗六度正月初建寅今斗初建丑堯典日短星昴今日短東壁以天道之差證之四時十二辰次舍但春為寅卯辰夏為巳午未秋為申酉

指蒙上

戌冬為亥子丑不必言正月建寅四月建巳七月  
建申十月建亥東方青龍七宿當亢氏房心尾箕  
斗南方七宿當鬼柳星張翼轸角西方七宿當婁  
胃昂畢觜參井北方七宿當牛女虛危室壁奎此  
正朔之明辯也李曰陽聲六律順以黃鍾起子陰  
聲六律逆以大呂起丑類可見矣李曰因鍾夾鍾  
也函鍾林鍾也自容成造六十甲子故有甲巳以  
丙為首非甲遁也

釋中第八

皇紀四時次舍觀章于堯典壺分五帝分野申法於

麟第八卦北形于八節二十四氣分布而成一年二本

六旬酌八卦而北形于八節二四維張而枝幹錯列十四氣分八方而成務於一年

四至莫而分至推遷積閏餘于二道故二十八宿分

緯而經周天知夫曆者之法乎閏無特氣節必加雙

知一本有則而分終終改始焉蓋始氣胚普回切脾音

而未成也中氣著象而有常躔陽生于子而起日於

子半陰生于午而起夜于三刻之末全閏無中氣之

正位而斗杓斜指于兩辰之間是則八千四維之至正

乃寂然未動微然未著之前惟壬與丙未形未規定

天地之中必于危張之度陰陽所生之元無非干辰

初刻之所推十二支辰是乃各辰正刻之所移惟壬  
與丙陰始終而陽始窮惟子與午陽始肇而陰始生  
探陰陽自始自終之蘊察天地南離北坎之原磁石磁

可引

者母之道鍼者鍼之戕母子之氣以是感以是

通受戕之性以是復以是完體輕而徑所指必端應  
一氣之所居土曷中而方曷偏較軒轅之紀尚在星  
虛丁癸之躔惟歲差之法隨黃道而瞻之見成象之  
昭然大哉中之道也天地以立極寒暑以順時陰陽  
以致和日月以重輝範之以矩模之以規節之以聲  
不淫表之而影不斂以南以北以東以西以橫以直

以簡以夷、權之以平、量之以齊、賞之以勸、罰之以威、  
居之莫不安、用之莫不宜、亶乎中之不可不及也、亦不  
可過而失之、噫、不及者可以過、過者不可追、是以磁鍼  
之所指者、其肯在斯、何京房之臆鑿、捨四正以深悲、  
曆以節氣為始氣也、

乾流過脉第九

山○曷○為○龍○得○水○有○躍○淵○之○義○城○何○以○水○限○龍○無○走○脚○  
之○踪○山○或○行○而○未○佳○氣○亦○隨○而○未○鍾○喬○山○界○大○江○而○  
衍○蒼○梧○間○大○河○而○殤○是○知○河○以○聚○山○脉○而○江○以○斷○山○  
脉○疆○域○地○理○而○應○乎○穹○蒼○惟○流○地○面○而○不○源○泛○平○洋○

而不潢也積水蜂腰鶴膝結咽過關之要害蛙背鷄胃  
乾流偏貯甕溜之分牆故曰雖涉田濠音豪尚是乾水名  
流之水未淘沙石當知過脉之岡

喬山黃帝塋于西海喬山見張衡思玄賦及心經  
太序記曰舜葬于蒼梧之野蒼梧于周南越之地  
今為郡

象物第十

指山為龍女象形勢之騰伏猶易之乾字比剛健之  
陽德雖潛見之有常亦飛躍之可測有臍有腹字以  
蟠以旋有首有尾字以順以逆順字指其所鍾逆字



原其發迹。蟠兮指其回環旋兮。指其汚蹠聳肩伸項。  
兮有結咽過關之想。布爪揚鬣兮。有夾輔維持之力。  
左抱右偃兮。若其角之衛騰峯挺秀兮。若其髻之植  
三形就矣。若飲頤之含含四勢集兮。若敷鱗之翼翼  
神而隱迹兮。不易于露脉潜以保身兮。不容于風刺  
虛為雨氣一作兮。所以欲界于橫河。蛻乃骨兮。所以不  
利于頑石。勢延而蟠兮。斷獨為悲。形蟠而蜃兮。饒直  
為康。威彩光晰兮。忌其禿童。真夫元一作化毓兮。忌其  
變易。是皆模造化以權言。非有可經之成式。至于定  
心法之難真。不若取象于身而可得例。雖貴于鎮頭。

義亦求其住聽穎廣平兮以角為防角傾危兮以額  
為的準隆兮鼻崢污藏自露兮淚流傾滴耳停兮取  
勢稍寬唇淺兮成形大過卧而腰環兮蘊乎其腹乳  
坐而膝踞兮懷乎其股趨謝反當作起遷臍抱于臂兮  
足無與于倒屣膝附于股首手何煩于憑拭腰連背  
偃兮氣之散行尾掉背後兮山之隴脊腸附于尻兮  
泄之必傷足絕于下兮囚之已寂肩并臍翼兮堪負  
載之勞握口掌心兮任操持之力唯能參之禽獸蟲  
魚斯咏備之于奇形怪格鳳翔兮背崢乃安駝載兮  
肉鞍尤特蟹伏鼈強兮眼目非露龜圓頭伸兮有足

難易與蚣鉗抱兮口乃分明馴象準長兮鼻乃端的  
魚頰脫兮尾鬣揚波馬耳峭兮脣口受勒項舒嘴銳  
兮鶴何拘于耳頂腹滿一本作薄露兮牛不堪于鼻息  
或倫類之未分觀堂宇而作則有簾陛兮以等級其  
前有寢興兮以淵邃其北有廊廡兮以週迴其左右  
有門屏兮以趨進其賓客有障扆兮以限其窺覘有  
牆仞兮以閑其姦慝有明堂兮以祀以祭有園井兮  
以飲以食潛形兮貴其縮藏隱勢兮忌其露跡有棟  
梁兮廣天蓋之功有趾柱兮全地載之德故曰利慾  
翳心則如目之於睫唯正心圖機則眼力洞察乎隱

曠前後巍巍左右翼翼徹志之悵祛心之惑去俗之累通道之塞覩山之決于是乎可得

曹叔曰藏珠之領拿雲之爪奔水之肩撈捲水之尾節皆有力之處倅活之岡也踰切右足履踐也

鏡

上御切

呂人云犁鏡也

### 開明堂第十一

夫冢宅所謂明堂者固非王者迎五帝聚祭之重屋抑還元于五土配祀于五神隨性應運積氣應星當歸格帝之冢宅照臨之象居中處正之名發日月之精華虛而聚氣限江山之支脉積以施生其形欲

舒其勢欲迎寂爾五事炳然五行黃帝作曆乾鵲推

靈巢開八幹太歲必局惟王建國重離向明窀切朱倫

也傳音夕長夜也左之擇亦無出朱鵲之橫橫庚辛

白虎甲乙青龍寬乎壬癸重陰之玄默恃乎丙丁陽

宅之朗清六相六替或渚或紫息道涌道出入斯憑

流地重濁流天輕清駁雜則僞真純則榮秉金相水

木之所廢用水精金土以彫弊抔土陰木水之壅滯

導水沃土火羅其害得火離金水其既濟樗里遺書

魏公著議陽明黃鍾二用稍異少陽少陰黃鍾始氣

老陽老陰陽明始著區別陰陽參錯天地二十四宮

以何為二十四氣之所蒞坎離為陰陽之母震兌為陰陽之至二道流之亦為權貴玄女之法精積純粹不淫不妬不蠱不沴音戾水不利也故曰二氣五

行明堂無弊三陽亦建分守四勢主東披裾不割衿

袂應防衝突肅其顧諟左限奔欹右防饒銳前級脅

坤旁欄肘掣諸泄休囚消長祥沴生旺庫墓無傷無

滯其廣如槃其環如帶其橫如舟其負如錫輪乎其

弓急乎其弦此所以分向背也此言擺練之玄交

牙石礪徒對切礪不傾不竅二毛不二是以五行北

造合五土以應五星五祀至靈降五福以及五咎蓋

明堂者居龍之蕩應冢之儀。二道者陰陽之門戶。禍  
福之根基。沃六相以反六卦。破六相以反不利。雖然  
目現心覺。明白理儀。八幹八卦。澄象作瑞。福善禍淫。  
各分司隸。如人之生。調攝榮衛。吐故納新。飽甘洩穢。  
洩穢不穢。此節宣方藥之備。表裏清暢。曷嘗有陰厥  
陽厥之顛顛。此言息也。駐遠勢以環形。聚巧形而展  
勢。截蒼豎以彫零。莖喬山而昌熾。潯陽之興興於鋪  
湖。江夏之敗敗于傾逝。族黨俱焚。破旺相之雙宮。身名  
俱禁。轉輕清之六替。是特槩舉絀維。時調經衛。涵道  
天成。成龍所繫。息道任術。尚在明堂之內。生旺涵養。

輕清協利橫彎曲旆率由愚智積

迹切砂積也水有石音堆入落

道泉行遠覲心視善其可昭福不可恃惟天惟善

萌于吾心具于吾身完于冥漠之表著于先人之墻

十二原二十八宿其行常謂之經星中央鎮星東

歲星南焚惑西太白北辰星謂之緯星

### 支分誼合第十二

大塊流行明五行而性五常玄天盡變藏六塊以示

六宗永沒骨肉有情之狗惟由春秋配祀而通是以

支分誼合之象乃不敬不羞之神無所歸宿歸五土

以配五祀認五正而通五神五帝兼運應五星或沴



或祥五福用威轉六極以舒以慘送終追遠聖人之

教化與造化亦一理之中是以支黨有有三昭三穆

親疎之屬義合者無不傳不嗣之宗如鄭伯有死立

膠漆異姓者且相因以相濟接木異本者亦同脉理

而榮春風矧易明九宮尚緣黑白而證螟蛉祝子猶

因類我而通嗚呼黃鍾真宅孝敬不忘如伯有良霄

之冤鬼強其文死而精爽至于神明矧窀穸配五土

以應五星所以洞鑒于五星兩曜者抑象其衰旺

腦方尾如月三腦女六切朔而月而致吉凶其六物豈

不及于六親故曰造化者教化之本教化者造化之

指蒙上

昭公七年傳曰鄭人相驚以伯有曰伯有至矣則  
 皆走不知所往鑄刑書之歲二月或夢伯有介而  
 行曰壬子余將殺帶也明年壬寅余又殺貳也及  
 壬子駟帶卒國人益懼齊燕平之月壬寅公孫段  
 卒國人愈懼其明月子產立公孫洩及良止以撫之  
 乃止是伯有之子也子太叔問其故子產曰鬼有所歸乃  
 不為厲吾為之歸也太叔曰公孫洩何為子產曰  
 說字如也也為身無義而圖說從政有所反之以取媚  
 也不媚不信民弗從也及子產適晉趙景子問焉

曰伯有猶能為鬼乎子產曰能人生始化曰魄既  
生魄陽曰魂用物精多則魂魄強是以有精爽至  
于神明匹夫匹婦強死其魂魄憑依于人以為淫  
厲況良霄我先君穆公之胄子良之孫子耳之子  
敝邑之鄉從政三世矣鄭雖無腆抑諺曰藁在泉切  
爾之國而三世執其政柄其用物也弘矣其取精  
也多矣其俗又大所馮坡水切厚矣而強死能為鬼  
不亦宜乎

釋子位第十三

曆在舜躬尚不榮于再禁妄加楊子遽啓爭于三吏

東漢清揚子始分子位、乾坤六子、三男三女、清陽子只論三男位而三女何依、袁口管氏之意、謂純粹自然皆吉也。

商衢九男而六男無位、黃帝五子而二子何之、是以覆箕左而長慶偕老、傾斗右而少喜齊眉、未有陽倡而陰不和、男行而女不隨、四體不能以相濟、三形不足以相資、發將住將、不必論其根本、息道漏道、不復辯其興衰、又豈知赫赫金烏、朔不忘于胸會、娟娟玉兔、望必照于揚輝。

蕭曰

魄一本月始生曰魄未成光曰胎

月朔見于東方曰胸、晦見于

西方曰肫哉始也旁死魄初二日也哉生明初三日也哉生魄十六日也

孔子居坎而生東岳文王在長而出西夷連山渤海之先乾水赴碣之長紫微諸葛之祖震流入廟之奇連山艮也渤海吳郡也三國魏吳先信人華艮山乾水陰陽家謂之破長生信乃長孫戰蜀伏誅紫微亥山也孔明祖墓亥山卯水陰陽家謂之入廟孔明相蜀乃天下之奇才也

歷歷攷之而可驗一一稽之而不違坎瘞

於例切也乙

行而龍鬻辛窹

此為切葬穿墳也周禮大喪用窹

乃注以咸禧坤山

坎水而中季皆天。壬山丙水而長少皆獲。

力之功無夫婦人也

曾無左右之區別。惟推相替之依稀。彼有日角珠亭。四墓而滿堂金玉。龍吟虎嘯。雙宮而夾道旌旗。

扶桑國有四墓法。按水流之曰水墓。按火焚之曰火墓。葬埋之竈穴曰土墓。棄之山野曰鳥墓。葬法忌雙宮山水。謂枝幹相錯。陰陽相夷。如癸丑、如艮寅、甲卯辰巽丙午、午丁未坤申庚辛戌乾亥亥壬之類是也。況有相貌有命運。豈獨山水哉。李曰：八分相、八分命、八分墳宅。共轅二十四分。乃為全吉。

也

鼠兔矢酸雖艮丁而何益日時孤寡縱辛所以奚爲  
艮山丁水辛山丙水雖至純至粹而相貌命運不  
佳亦災管氏有人興土地事昭然之句

離窠入路第十四

待哺之雛伏棲何鳴起微之犬

也先祖

黨巷何聲發將

之巖塊然何園結咽之關混然何平康然何高堵然

何橫二氣何儀五北何行奇幻倏忽易步分程聯鑣

音附轡並足爭衡向背無常競媚取榮枝幹相錯主

客不明降高就卑懷私詭情交橫雜還似群羊之很

躡躡直六反紛縱迅赴若驚鳥之翺翎醜不堪于羅

綈暴不容于典刑形一作

李曰不可栽植脩補故曰典刑

石刃風風許加切又呼嫁切潦瀏銑銑列岡成川園

彈念如勢債甫通形儻儻舉良切即原隰宐宐宐宐

下嵒戶前切日選心覲勇退齋登及其過將入

路則條條一作然遠到頽然自天一作成如紳如練不伍

不朋一伏斯關一起斯京來綿亘而若委去將降而復

騰天雖渾之已鑿水猶據而未憑

據而未憑水散未停蓄也

至于住將結咽後欲絕而復連乘宗繼躋前若去而



不揚以魚檢切方檢切形忌內損蕩防外傷八也我

我一弦洋洋兮城如

隤內橫形八也我我李曰四勢八方屯兵立壘水

城限勢一弦洋洋

禽飛軒軒走邁邁胡光切張麟力陳切車中軸也

耳鼻以為象蛇蛇蟻蟻以為龍尸其不走濟其有容

火左右以拱輔固門戶以闕防賓端崇而特立儀至

止以深藏陰造流清于西隅而屬陽靈經耀于東方

東屬辯宮位而五精斯允消時序而十日孔熾故曰

隱隱一絲而崇岡遠到堂堂臨幅而星拱辰居重關

指象上

十三

製固衝刺是虞應成象于上玄校五運而害除是則  
住將過將之昭昭吾思得而忽諸

形勢異相第十五

至哉形勢之異相也遠近行止之不同心目之大觀  
也瞻明玄妙之潛通雖流于方者之術必求乎儒者  
之宗相形勢之融結致星辰于渺茫勢必欲行行則  
遠遠而騰蹤形不欲行行則或西而或東勢不欲止  
止則來無所從形必欲止止則濇鳥爪切而有容形  
不欲露露則氣散於飄風勢必欲露露則氣積于高  
峯勢不欲污污則氣宗而不鍾形必欲污污則氣聚

而有融。蓋形者勢之積。勢者形之崇。形者勢之結。勢者形之從。彼有左右之勢。以從中而衛穴。面前之勢。以朝穴而應龍。外勢欲圍。內形欲方。宗龍之形。如花之的。騎龍之形。如宇之堂。的承跌筭之正。堂居門仞之防。仞古拳龍之形。如人卧之肩井。如魚奮之鰓鬣。皆隨其趋向而橫應偏旁。承龍之形。如心目之顧盼。如日月之精光。皆引其來歷而寬接宏藏。如世族之居。門仞之高者。莫覩其堂奧。如大席之設。賓主之交際。以盡其溫恭。如荒園敗圃。藩籬圯壞者。來往之衝。象如巨翁權勳。必森翼衛而環左右。如藏

實積累乎。必厚蘊藉而峻教倉。故曰蟠根固本者枝必茂于喬木。夾輔磅礴流者。形必就于真龍。惟知形勢之異相。然後可以辯形勢之吉凶。

朝從異相第十六

易曰安其身而後動、易其心而後語、定其交而後求。此賓主交情之道也。縣其勢而後形、真其氣而後乘。得其應而後迎。此山岡應氣之說也。山岡以賓主為相應。氣取交情之合。儀則朝龍之義。已無遺矣。易曰雲從龍、風從虎。聖人作而萬物覩。大教化之行。如雲之敷、龍從而升、如風之動、虎從而鼓、四勢三形必應。

其主故曰主山降勢衆山必輔相從之義莫之能禦  
山必欲特特則不群出類拔萃稠衆雖倫山不欲獨  
獨則必孤流落踦旅宗黨無徒山不欲多多則無憑  
亂臣賊子朋伍縱橫山必欲衆衆中有尊羅列左右  
危從元勳山不欲交交則必間山必欲鎖鎖則不漏  
間漏之辯相擊扣須之候山不欲垂垂則失利山必欲  
降降則勢止垂降之辯得氣脫氣之謂穴必欲正正  
則當奉穴不欲偏偏則半空正偏之辯旁有宗的之  
功辯其巧拙審其輕重在心目之自得非以耳之所  
能故曰目者目主者福主當壞凶術會主當侯吉術

校主禍生。日者盲。惟家積善。尋龍龍顯。不善之家。得龍穴差。精神端秀。乃朱扉盡棟之阡。氣槩雍容。必金馬玉堂之兆。煙雲聚散。而一水盤澄。日月升沉。而列岡成繞。吉凶雖繫于神持。善惡必由于人造。固無克應之方期。定方者亦或相符于微渺。况慎終之大事。何憚擇理義之術。以全天巧。

三徑釋微第十七

世之尋龍。惟知辨形。不知原勢。辨形則萬端而不足。原勢則三徑而可殫。辨之則易。原之則難。矧三徑以出乎三奇之原。有全軀之統。有分爻之應。有隱伏氣。

脉于運臂之間故遠奮天邊蹤跡已形于過脉近藏

道左戶門不暴于行人此全統之勢必住形于結咽

之慳群羊入牧顧狼逸於敗羣一馬鞍鞍皮彼切鞍審

危音監壁危于切轡此斷續之勢必住形于結咽之

寬舟逐晨潮日注來迎之楫魚遊春水釣連不斷之

絲此晦跡微蹤之勢則不待于結咽之完如飄雲出

洞如驅鹿下山其翩翩片葉必趨于一陣群隊千百

必隨于一奔如蚓沿一作壤隙如蛛絲盡為帛之

紋如水之痕若起而伏若斷而連心天曉轉目力

瞻明勢不累形形不累勢是以得其法程然住

形之相、惟貴容穴之安、如珠之貫、如璧之聯、如龜伸  
頸、如鼉伏圉、或傍于足、或安于肩、是以崇雄之岡、其  
住欲巧、稱衆之岡、其住欲專、隱隱微微、其降既弱、其  
住欲端、蜿蜒蜿蜒、其勢既橫、其住必旋、故曰祖強宗  
強、立已善良、子孫其昌、宗雖分派、祖德未艾、子孫必  
大、發跡雖涼、也薄承世延長、名聞遠揚、祖沒宗茂、一代  
之富、祖榮宗燁、富貴奕葉、子孫迎迎、宗祖繩繩、宗派  
降勢、祖本山沴、一代小康、宗派降勢、祖本山顧、光大  
之葬、亡祖失標、望人門力、背祖棄宗、南北西東、

四勢三形第十八



左數奇兮右數耦前屬牝兮後屬牡奇牡兮男子之  
象牝耦兮女子之道勝于一偏兮縹緲之所由完其  
四面兮男女之偕老不集不應兮五氣散于八風或  
逼或沉兮三光囚于五造惟三方稠密以舒以容一  
水平蓄以閑以防發越精神融結氣槩故能居尊于  
後龍吉凶盡屬于前對是以螳螂與蟻同繩繩以屬其  
的低結繁窩蜂蜂一作犀旅旅以羅其傍高嶽牽蕩  
進前勢以若闕退却立以惟恭集左右以為輔峻門  
戶以截風故曰三形衛其玄室四勢衛其明堂如展  
屏如列城如覆釜如懸鍾惟五立中而無馳逐離

去之意則為佳城之藏○又何必如旗如纛道義也羽

德性又如筍如鏘又況四勢不同于遠勢在明堂四

勢之間三形豈具于成形繫玄室三方之內內而三

形應水以精神外而四勢得水以氣槩日者之目不

可以色主者之心而致害主者之心拘于利害之中

而目已自蔽日者之目則習熟達觀而利害之不繫

即文錢以貫之則吾之方寸曉然而開釋然而快貫

之之方則安之而不搖文之之屬則流之而不歸是

四勢三形與文錢而義契和之口屈其國外巡浮懸

以如槃即之中方審彈蹠而拱

玉曰。虎之內曰彈蝦。肘之外曰浮鼉。彈蝦。浮鼉。皆虎之勢也。

又曰。外如鳥。內如月。外如壁。內如窟。外如牆。內如室。

外如趙。內如列。此內外之辯。尋龍之大率。後如至。前

如趙。左如勒馬。右如遊魚。後如蜈蚣。前如鳳龍。左如

虹。右如弓。此四勢之城三形之壠。後來前鬬。左右寬

撓。此四勢三形發力之候。後卧前驚。左迴右拱。此三

形四勢。居龍之蕩。後來前去。後住前度。左屈右伸。左

集右分。此三形四勢脫水之因。後瘦如丁。前亂如星。

肘反如弓。腕直如筒。此三形四勢脫源之窮。背後分

撓。面前分蹊。左如梳。右如篦。此三形四勢失水

而脚不齊。背後如傘。欄面前如砒。彼晉伯也切砒板左去

如出軍。右去如奔群。此三形四勢。逐水而脚分。故曰

丫叉雙胖。目迷爭主之乾源。曲盡交頭。心著抱身之

澄綠。盖前凶已穢。後吉難濯。前吉已薄。後凶易剥。故

曰襟江帶湖。而意不投。町音他頂切。瞳音吐管切。町瞳禽

也鹿跡。鹿場而心有樂。

遠勢近形第十九

近相住形。雖百端而未已。遠求來勢。得九條而可殫

必限發源之水。始匡入路之山。枝節一尋。取八尺。則

侵本幹。陰陽五運。窮六氣。以及蜚泉參五行。二氣之

清何九宮八卦之翻將格五災之鬼當明一理之元

指之曰來勢為本住形為末知本知末者則可以知

龍之發將發將如飛潛之隊如奔走之群如水通脉

如火得薪如織之幅如植之根植不根則枯織不幅

則焚法三曰年傳曰亂而焚之也火不薪則滅水不脉則乾

禽不隊則散而不續獸不群則亂而不馴通顯一邦

延袤音茂廣也東曰西一邦之仰止豐饒一邑彰揚一

邑之觀瞻勢強宗祖形餘子孫滿湘斷九疑音疑山名之

脉而蒼梧末代潤源際中嶽之源而洛陽少年勢如

雲葉隨風翩翾盡至形如浪花觸石摺摺俱還是特

索探其過過來歷熟習乎清濁盛衰之端固不及乎

混沌起初之龜屋亦不論其成花著實之甘酸即一

龍如生之想而證之鎮頭坐穴者必無斬頸一作限

連中山絕之頃曰降龍者來過過兮垂雲際而襟滄

海曰騰龍者不過過兮聳端秀而起江干曰蟠龍者

來過過兮環首尾而枕澄渚曰出洋龍者來過過兮

騰雲霧而奔清淵曰卧龍者來過過兮而園淨而逸

馬驚曰生龍者來過過兮奮鬚鬣而躍橫川曰飛龍

者來過過兮展羽翼而鼓波瀾曰領群龍者來過過兮

統行隊而飲清泉曰隱龍者來過過兮伸臂掌而仰

金盤小水夾左右大水橫其前是以山者龍之骨肉水者龍之氣血氣血調寧而榮衛敷暢骨肉強壯而精神發越尋龍至此而能事已畢三形已具而四勢未列蓋明堂之水橫而間截或發東而歸西或西源而東浚水內三形水外四勢此應案玄室有賓主之辨或蟠龍顧尾則內壺井而外海府明堂大小而分兩節或案外隔絕水之朝寘氣已前脫是則氣血不通于龍骨而尋龍之所不說又况華蓋之頂謂之蓋穴虞其氣散欲其咽結結咽過關駢過系道不絕何五行辯其相替何二氣忌其悖逆蓋葬者脉黃鐘之妙

造故防其淫防其蠹于血氣未定而陰厭陽厭行災  
五鬼急先營主之職誕立九宮創立變宮之訣  
蕭曰過者條也在心目之巧

應案第二十

應案之勢其實則一應案之形其說有二如主客逢  
迎情意酬酢一降一趨以同以緻如男女配耦陰陽  
偕和一剛一柔以伉以儷方諸日月水火既濟

一本作珞璣

珞音夫璣音夫

明鑑忘日月而水火

交乎璞玉丹砂出巖石而紅霞既濟

此應案之勢其實一致如主客設席對席敵禮情意



歡洽既醉且飽如男女威儀中櫛內外合卺以禮謹  
酒器禮用之齊肩以淑以慤案外之應應內之案小之  
水皆和應案而至此應案之情其何以異又况東南  
陰陽西北夷易在陰陽則應案端巧在夷易則應案  
真貴故目之曰應龍者客氣欲宗于主氣客勢欲宗  
于主勢貴應則不常而應在案外然大地無形小地  
無勢大勢之地如萬乘之導向明而治執圭秉璧以  
論道經邦者則不異其設筵之意惟正履端操死節  
守義朝拱主心無他心異意也故樗里目之曰朝龍  
者不無所謂

李曰古人以向首為關龍至樗里子謂關字雖取相對之意然有關敵相拒不和之意故易之曰朝山王曰今之應案者但得卓起尖峰則善殊不知橫過山低直望見其前而無他去之意乃朝案塋穴蘊蓄內氣而已

擬穴第二十一

藏穴配神返始五行之造封塋積氣發揮列宿之臨乘其勢之至止擬其穴之淺深淺不淺于太陽深不深于太陰

李曰太陽頂也太陰足之

淺不淺于露、深不深于泥、惟現其至止而搜尋、穴滲

之止、止于握口、降伏之止、止于掌心、掌心之深深于

捧、壁握口之淺、淺于攫九縛切持也、金、金藏木舌、含無

淺、唇之露、王、蘊、龜、紋、滲、無、伸、臂、之、侵一本作前無、淺

于跗音夫亦作足上、武、深于肩、物於交切、地者、形必指于

走、獸、淺于膊、翼、深于背、蜎者、形必指于飛、禽、淺于股

者、釵、腦、之、不、的、淺于鎬者、櫓、角、之、不、擒一作鉗、鉗鉗當

深于肚者、船、首、之、不、載、深于弋弋音霸考工記作把、

者、弓、臂、之、不、禁、吾、方、舉、一、隅、以、示、古、子、期、及、三、隅、以

通、今、是、知、既、有、淺、而、有、深、必、有、正、而、有、轉、曰、顛、曰、鼻

一作而寬取如駝

腹而案膝然萬

其髓雖乎穴法之

之氣弊求之不得

熟其形心研其極

一絲相應不留于

穴之要心目之妙

于汚形接于目而

或結于目而遂避之目

或結于輔形接于

目而寬緊之法已灼于心

詩經從

音

其畝東西曰衡南北曰從衡與橫同

或結于枝梢或結于桎音蒂音桎以枝梢為左右枝

梢以桎蒂為的領

一作實

或結于盤膝或結于胷乳音胷

乳以盤膝為應案盤膝以胷乳為宸

音倚也

蓋故凡隱

顯之形而著于目則玄妙之法已灼于心心目著灼

利慾不淫則一區之穴活龍之鍼或心逃于目目昧

于心心目俱喪利慾相淫則一區之穴屠龍之鍼吉

術規模想英門之丰采臟奴舉則傷敗葉以呻吟又

况一龍成形故多穴法一穴得氣餘脉不穿故曰位

勢成形結穴難探于一脉衆宗得氣乎和忌脫于八元折字詳貧于分貝也兵失律于爭權

李曰元者頭也百骸四骸氣血所會元首之義凡住形結穴必取來歷遠到落頭端的若分脈如釵股如材枅一作如竿又如瓜版此皆氣之歆處不可穴

惟忌兔唇之直裂不關蟹眼之橫聯又曰東南峭秀龍成一穴而氣脉無餘西北寬平穴在比肩而風水皆集經常之說雖口口之能誇機變之微豈蠢蠢之可及博如俞公而不免埤也盆如水突智如石氏而

不免淹滯

蕭曰昔白馬寺俞公卜基為水所壞石涓卜陳留倉基為水所沒然二人者皆博學世代之術而俱不免有此

傷于姪者未明于腹乳遷于項者尚辯于咽喉穴不

結者如當簷之堵音階作形不住者如出港之舩按外

見洋高既危于繳音灼脚鉗前逼案低又蔽于埋

頭然勢分則形不佳形分則穴不居並頭之住謂之

爭主岐爾雅以兩蛇為岐分頭之住謂之分途形既不住穴

不可尋左不結于拓推右不結于刺倉一本為左

不結于斷蛇左不結于劈脊註曹叔忌四不結不可立穴

前不結于直胖後不結于橫琴結不結鵞頭牛鼻結不結魚尾鷄心穴之不結形之不才窟不可造的不可培騎龍分水祇因勢而併銚口吐舌祇因形而裁山岳配天高下已基于開闢精光應象星辰常發于昭回清溜先著吉凶有媒惟記墳而列樹按小往而大來勢就形全寓纏宮于執福穴逃水脫得分墅于司災然則墳不必封坎不必掩安安恬恬以基六極之胎蓋古有尋龍之伎術而無造龍之匠工功高天



禹導洪水必因山川罪重參怙築長城而斷地脉喪  
險可簣法何取于尋龍真積自天氣徒傷于憑力嗟  
喪家之荒冢徒何限于論千卽昌族之先塋工尚慳  
于計百

得穴第二十二

善惡之機兆于明祥沴之應由于默在昔五帝配于  
五行以成天地之功以齊天地之德分之五行帝之  
五壙以享天地之祀以配天地之職是以五神攸屬  
司福司災在冥冥之中常嗇于授而嚴于擇雖龍蟠  
虎踞冲陽和陰不可得而推不可得而識巧術由之

而目眩妙籌由之而智塞冀其吉者固凶之所閉一作  
蔽相其吉者何凶之所一作白求其故而不洞則顏  
然而委分定而任職斯指三股以為釵誑橫捧而作  
笏抗一端而難盡形萬變而易惑惟知七星之建十  
二辰不知六運之調帝側

帝側六星均調六運况無形而言之乎

經常之三形四勢雖在目而不見隱伏之精神氣槩  
徒閉心而不得廝口仰諺而三適換衢目俯指而遭  
遏望即音勢若是而形非形若全而勢闕勢若住而形  
奔形若到而勢絕勢若順而形背形若連而勢泄勢

若續而形孤形若屈而勢越勢若聚而形分形若安而勢兀勢若蘊而形暴形若潛而勢突形勢偕差而不相得者皆山水之背山若薄而水因

李曰薄者終也止也正蘇秦傳所謂心搖搖如旌而無所終薄者是也

水若臨而山竭山若駐而水傾水若潴而山發山若順而水衝水若遶而山割陽若正而陰淫陰若粹而陽厭金若阜而庚巽潺潺水若獻而乾甲汨汨火若秀而艮丙湍流水若岡而坤壬沅沅雙宮散氣固非一祖行龍漏腋分屍徒有三陽玄室洪濤箕流一作

於夾脇。肢軀未成。直槽初覆于崩原。本元俱脫。豬獺孤遺。漫蚓陌。失祖亡宗。薑茅儕雜。飛一作蜂房有蜂無的。

索曰如豬遠穢獨山也如薑叢茅亂山也

夷兮曠蕩而無垠

力益切謂冢曰秦晉險

兮偏傾而不蹙裾

拙肘外猶若踞蹕刃透拳頭無非讎敵舞方覩覩

說

切驚悸也

而不察獨揚揚而自得是以目亂心盲崇

迷聰塞水嘈精殺

所介切

不聞灘瀨之驚天腕逸林

裏豈覺初風之刺腋故莖龜者肩曷延齡蟄始驚于

依岸背何傷壽曳已離于蒺沙凡此玄微曾未之識

每為之興嗟而歎息

擇向第二十三

擇向之法、聚其舊也、取日月照臨之象、得方諸致感之神、雖形勢之不續、亦表裏之相因、後來為主、前來為賓、取賓主之喻者、欲如賓主之情親、主降玄室、若虛懷而有待、賓進階廡、類却立而前陳、情意相投、而無間、形勢相駐、而不跋、如尚義之烈女、如死節之忠臣、奇峰特發、固可直中、而取耦、耦聯秀、則當協裏、以平分、內奇外耦、猶苗蓂之藉足、外奇內耦、忌

筭溜以衝身

筭古與切以  
付通水也

李曰內重單案要知茵蓐或雙山並立則又當忌  
筭溜之衝穴內

如頓轟植圭如禪壇神島如聯珠列岳如九鼎七星  
夾輔不論其駁雜如華表雙旌如駟馬高車如六馭  
鳴鑾如十臣八佾並肩以辯其真純庶免乎乘偏相  
勝孤遺失倫

所謂相勝意在言子位不均孤遺言孤寡失倫言  
淫亂公明微言吉凶而吉凶多證景純多談禍福  
而禍福罕驗讀景純書當以重取輕讀公明書當  
以輕取重

惟陽轉陽而粹陰轉陰而純說說兮振振兮駢英疊  
萼以齊芬彼有穴身而顧尾穴蹀而宗身蹀是之穴  
皆連向而和分須小水附其內大水在外而周迴山  
際也臨邊水而勢鍾形箇內就水限山而氣聚勢以旁  
真默默之現現其涌泉如虹如帶羅遠藏門穴不欲  
露水水不欲露墳深居潭潭之相庶乃為堂堂之貴  
人其為不露是以為珍抱龍則貴反龍為宅抱龍為  
龍反龍為龍奔凡厥流水其歸一端然水城形勢  
與息道漏道其又別焉

景純謂若踞而俟若攬而有若進而却若坐而受

固則甚巧但猶俟失虛受意思非傲不若屈也

### 復向定穴第二十四

立穴之法復向以決復向之目見穴始出古人習之

必有可傳之決

訣一作

順勢逆形隨形探骨擬穴指

復向定窩窩必有的則不突窩必有容容則不

虛必應水水則不脫窩必應向向則不越窩必應

四輔四輔成列窩必應于三形三形衆結窩必有

唇不吐舌窩必有額額不散闊窩必有額額非

窩必有臍臍非腹拙窩如仰掌掌心盛物窩如覆

握口撐扶窩如獻掌獻掌非犁壁之峭立窠如虎

虎



蹠非羊蹄之奔逸如花之迭蒂如弩之機括括偏則  
矢不中蒂枯則榮不實欲其高而不危欲其低而不  
沒欲其顯而不彰揚暴露欲其靜而不幽因啞噓欲  
其奇而不怪欲其巧而不劣欲其正而不衡不戾欲  
其輔而不倚不旁欲其橫卧有懷而不挺欲其蟠抱  
有蘊而不噓欲其收拾而不隘不舒欲其專一而不  
競不洩欲其騎而不卸司夜切欲其懷而不別左右  
荒落而精神表著高下案窳而氣槩軒豁

左右高下皆無可觀揭穴當守則變相見矣

堂堂然厦屋之瀟灑潭潭然與室之明潔人不可施

天不可奪是以驪山之場未乾而嬴秦之祚已絕惟漢文以恭儉安神仰社稷光輝之日

承宗光祖第二十五

出祖蓋祈于顯祖豈條條挺直之長承宗必貴于興宗愛節節顯昂之至居其所相互其所替由陰陽清濁之分嚴剝復徃來之意道正乎天行用通乎人事藏于臍腹須近住而回頭巧在心眸慮橫形而偃背此專論卧龍之穴也須得背後飽滿圓淨乃是吉穴也

既得龍形須認水勢北環于河汾東橫于江海西平

于川洛南散

或作直

于閩浙此水之大網不可謂之無

別網

翻一作

盆側上

一作止

無儲直慮其無生。操練寬平。

先損必虞于先背。又況送終之道根于天性陰陽者

泥泥于不令執方之術猶或守正售術五鬼色主以

候不辯奇衰之明名豈知山水之明命禍福司之惟

誰聰聰故曰標題形勢瞻明著吉凶之機局例星辰

魁魁再貪迷之柄又況明堂慘翳不潔不淨山不住

脚水不入迎故曰隔面山而分面水面面無情出頭

虎而扳頭龍頭頭有病曰蛙尸曰囚圃曰鋪薦曰雙

冒此皆突蒲

有薄蒲胡切

雉隔面雞背散水側面而背空

照音

也。下。檐曰擡頭。曰掉尾。曰戲珠。曰翹足。是雖連身鎖作一

顧穴。猶慮其乾流乎。踞一作伸脚。脫源而反轉。

索曰背主抱賓

此亡宗破祖之山水。明目覲之。而心顫。之善動也

五方旗第二十六

歸宗之水。貴緩于之玄。息道之源。息分于川。故沒

水之水。以曰歸宗。鉗口之元辰。曰息道。目力之巧心

機之活。如展幅。左而住。右如捲簾。或出而或

入。近者防其內。衝出遠者防其外。脫衝者急以轉

旺。強脫者頻于鼻竊。順天造者外尋大勢之開鎖。

助人力。乾內渚小潤而攔節。四勢正兮而中蕩。易經  
五方峙兮而內私難決。然則應內之策。案外之應。形  
其多端。其勢易亂。心乎難識。目乎難看。吾其未知。當  
卽先知。而問曰。四勢之中。戊己蒞之。在五臟謂之脾。  
在五行謂之土。土氣實。則陰陽摩盪而成胎孕。曰摩  
孕。一作之。庶玄墟真宅之象。受生乎心火離明之氣。  
嗣不忘宗。故鉗龍之前。皆同應龍之論。然火以虛明。  
凡蔽塞其心者。可知其疾病。形必如琴。必如筊。猶慮  
其橫擺。必如星。必如月。猶慮其昏暈。故曰。四方恃義。  
五方不仁。不仁不義。侈下其墳。突中有醜。其源必分。

分則必離、離則絕親、絕親則絕氣、絕生之門、四方依  
旗、五方守信、表旗之高、背信以印、高取遠明、印取中  
鎮、高明在身、鎮其不磯

王曰、凡峯之最高者、衆出衆山、四面瞻仰、謂之四  
方旗、明堂中水心有圓、經對立、不倚附、四勢、謂之  
五方印

鳥乎而繁、如繁之平、鳥乎而盤、如盤之盛、鳥乎而帶、  
如帶之經、鳥乎而城、如城之憑、四勢屏列、五貴中澄、  
一作山水相應、應乎上清、故曰山奮極而水崇、  
系相濟、水向方而山入、其神靈、又況五方之

醜而難防、左右之為醜、醜亦可畏、尋龍之日、連覘  
熱視、目前隔測、固知脫氣之源、肘後分離、誰識過關  
之臂、又況左右之臂、或直或反、或分或刺、或如牆、瓦音零而外、寬不歸、或如鞍橋、而均風吹急、脊前深坑、力為救而外、水為坑切聯定、知夾脇之形、子葛切撈肘後乾流、也一求切遶  
可見來龍之勢背、

左右釋名第二十七

夫以左右為龍虎者、指坐北面南而言也、或穴西面  
東、則北名青龍之木、南名白虎之金、品目謬戾、姓音  
亂紊而不倫、況五聲以宮為綱、而商徵角羽以類舉、

中央以土為正，而金木水火之位分，惟取吾身之前  
後左右而言四勢者，乃得其真。彼木色青，德象龍；金  
色白，德象虎；水色黑，德象玄；火色赤，德象朱。鵠此  
四象之方與隅，與四勢而不相因，是以左右之形，謂  
之夾室。左右之勢，謂之輔門。陰陽之輔，羅列峯嶺，易  
野之輔，界水之塹。魚中切夾室之形，欲深而蘊蓄，輔  
門之勢，欲圍而周迴。源于內者，而無突曾之傾側；圓  
于外者，而無散脚之紛紜。和山和水，合宗來結，汙結  
的，掩左掩右，均體衛臨，蕩臨盤乾，派欲鎮于長流，堂  
前不脫。小畜相急于大畜，腕內宜繫。



蕭曰夾室為小畜輔門為大畜凡池塘為小畜陂

澤為大畜也

或三山夾輔則尊卑甚曉或兩龍相遇則賓主當一作

雞鳴或臂腕之控一作抱或掌心之酌一作盛或花藥之

跌衛或宸汗之岸憑一作或有井之卧牛或長鯨之耳停

或胃房之兩乳或鼻竇之凌靖如云節義之臣赤心

一主不見廉貞一作無之女暈臉多情反肘悖逆掣

肘奔騰左斷而男不壽右裂而女傷齡如枕腕中多

困柳慵花之孽按弦指上必移宮換羽之伶一本有

懷之澤惟防一作防苟或如龍如蛇盤身顧尾則左右形足

指蒙上

四勢全成、是以一端之象、又烏得而擅名、

五鬼克應第二十八

八卦象吉凶、九疇陳福極、春秋紀災異而不書其應、  
赤伏讖符證而反致其惑、故自漢以來、吾黨執方之  
術、不幾乎流于詭譎、調七星于一黨、分三子于八國、  
談不談于理致、心不心于暗墨、相不相于形勢、意不  
意于蒙塞、學不達于師資、業不通于典則、投不投于  
衆知、中不中于衢識、竒獨竒于色主、羞止羞于作賊、  
近代訛舛及于奴厮、立志急先于鬼域、爰象專門于  
卜命、星辰創端于道釋、六相六替皆叛之而不聞一

陰一陽一作少皆盡之而作忒。聽歌訣之嚙嚙騰筆  
札之寂寂。

李曰寂寂者無所聞也。然相替之理昭然明白。  
前堂散派。鳥知魯脫而氣不鍾。後腋遂派。豈辯肩行  
而勢不特。

李曰前堂者案外之水。後腋者後龍之水。  
巧譎愈騁。真方愈失。

真方執方也。

丁文脚下。後過橫橫。八字胖中。前傾直直。符函作吉。  
指四季以應乾沚。失勢命形。就三方而尋詭結。三年。

一步以何數而精、一步三年以何數而克、惟曰形以  
達類、類以通數、數以體事、事以應物、而五鬼之言一  
何詭惑、故形如拖旗、脫水忘歸、捲脚回頭、發跡他州  
形如彎月、徒刑鞫決、兩角不銳、進財難退、形似縮龜  
寡婦孤兒、曳尾不攢、誰云勢短、形如石簪、竹也長眠  
不起、抱如瓜瓠、錢財無數、形如曲尺、手藝衣食、橫控  
如弓、一生不窮、形如刀鋸、生事強梁、外欄水下、紅旗  
引馬、形如指覆、一三一作長兩縮、未賣其田、先賣  
其屋、形如拷桵、一作老菱東控西抱、中饋不廉、不惧人嫌、  
形如開丫、立身不嘉、重婚兩姓、歸宗可定、形如牽行、

斜倚笑、眉端秀不附、雙旌呵路、形如耳語、關頭拍鼓、  
指背私掌一作掌、皆云不公、形如檻豚、亂石連根、橫眠、  
直坐、是年拗鎖、形如鸚鵡、魚尾相似、少年風景如何、  
可永、形如畫眉、頭起頭垂、雖一作非明月、分明死屍、  
形如羊蹄、釵短股齊、一聯藕段、罵母憐妻、形如合掌、  
呪祝魍魎、兩山中徑、初疑直胖、形如撲錢、鉗口右邊、  
若居左手、於指謂以手賣田、形如覆鮓、死驗傷痕、不  
因賭博、必墜溪灘、形如鵞頭、定好風流、形如鷄嘴、自  
割咽喉、形如芒刺、銅鍼刺字、形如橫鎗、子孫凶強、形  
如蟹距、盜賊群伍、形如靈牀、長病瘟瘡、形如側壺、分

明酒徒國詔宿木與白空回形如人醉垂頭觀地立  
已不端賊汙之器形如投筭憂愁紊亂形如亂衣上  
下通非形如覆棕淫妻妬妾形如覆甌定喪明時形  
如覆盂御確孤眠無伴形如覆釜位致公輔是皆類  
形識符之意然則歆知劉秀為天子而不知天子為  
光武欲以國師公更名而應之非徒無益于事而幾  
致身于一死故尋龍之術惟貴識五行之盛衰辯二  
氣之清濁有何理以推孟仲季之三子又况曆家之  
法以仲先季以季先孟而長中少則亂曆者之法以  
號氏嬴氏之所不語而行災五鬼抽岐而言以熒其

主、又况天其可憑、力不可致、善其可招、福不可恃、惟  
天惟善、萌于吾心、具于吾身、雖兆于冥漠之表、亦顯  
顯于日久之見聞、同氣而生、如掌之指、三長而兩短、  
不可加減、其忖忖、惟不替先人之祀、是亦昌熾之墳、  
五鬼克應、謂甲庚丙壬長子位、乙辛丁癸次枝頭、  
乾坤艮巽當三子、第四回尋長位、求若然、則坎離  
震兌四正之宮、皆不立向行水、長子盛衰與四子  
一同、次子與五子一同、三子與六子一同、而第七  
子則無着落也、

次舍祥珍第二十九

一本作五  
氣盛衰

夫相龍者、即五土以配五行、即五行以應五星、在天則為五帝、在地則為五正、

素曰東方之德木、木色青青、帝曰太昊、南方之德火、火色赤赤、帝曰炎帝、西方之德金、金色白白、帝曰少昊、北方之德水、水色黑黑、帝曰顓頊、中央之德土、土色黃黃、帝曰有熊、木正曰句芒、火正曰祝融、金正曰蓐收、水正曰玄冥、土正曰后土、  
還天之星、其舍二十有八、列星之辰、其次一十有二、素曰角亢氐房心尾箕東方七舍也、斗牛女虚危室壁北方七舍也、奎婁胃昂畢觜參西方七舍也、



井鬼柳星張翼軫南方七舍也其曰析木大火壽星東方之辰也鶉尾鶉火鶉首南方之辰也實沈大梁降婁西方之辰也娵訾元枵星紀北方之辰也

娵訾切

每辰之度三十有奇合十二辰之度三百六十五度四分度之一星辰順天左旋日月遡天右轉日舒以遲一歲一週天月蹇以速一月一週天日月會于辰則為月至十二會則為歲

素曰東方三辰生於亥故春至析木次於亥春旺則析木見于東李曰東方屬木故也餘三方類推

之南方三辰生于寅故夏至鶉尾次于寅夏旺則  
鶉尾見于南西方三辰生于巳故秋至實沈次于  
巳秋旺則實沈見于西北方三辰生于申故冬至  
娵訾次于申冬旺則娵訾見于北是以角亢舍于  
壽星則季春日月會于大梁氐房心舍于大火則  
仲春日月會于降婁尾箕舍于析木則孟春日月  
會于元枵斗牛舍于星紀則季冬日月會于玄枵  
女虛危舍于元枵則仲冬日月會于星紀室壁舍  
於娵訾則孟冬日月會于析木奎婁舍于降婁則  
季秋日月會于大火胃昂畢星舍于大梁則仲秋日月

會于壽星嘴參舍于實沈則孟秋日月會于鶉尾  
井鬼舍于鶉首則季夏日月會于鶉火柳星張舍  
于鶉火則仲夏日月會于鶉首翼軫舍于鶉尾則  
孟春日月會于實沈

故配祀于青帝木勾芒者

良辰

水流室壁

破木生

在亥

則訾娵為沴應倉廩耗而市沽虧水流于氏房心

旺卯

破武

則大為沴應

有一本應字

疫相仍而資積風

馳配祀于赤帝祀融者水流尾箕則析木為沴應牝

鷄司晨而遁溺扛屍水流柳星午張則鶉火為沴應

賭博狗盜而妻子奔馳配祀白帝蓐收者水流翼軫

則鵠尾為沴、應強梁法死而陽柳陰重、水流胃昂畢、則大梁為沴、應聾瞽而啼饑配祀黑帝玄冥黃帝、而正水流甯參、則實沈為沴、應傭奴而病婢、水流女虛危、則玄枵為沴、應淫醉而家道隳、是雖以星辰參錯五行測度其動靜、因其類以貌像其幾微、又豈能兼三家之法以齊之、若曰相貌不由于命、分命不出于墳宅、北宅則先人之造兆、後人之基、後人之

享北、前人之資、安然養其相貌、頽然委其命分、優優游游觀其墳宅而貴富可期、如是則公侯將相皆出于五鬼之門、孤奇偃蹇不臨于五鬼之棲、積善

降祥不善降殃教世之典。為脫空之非。非作易曰不  
鼓缶而歌則大耋之嗟。是雖神以知來智以藏往  
斷吉凶而言亦存于兩岐。老氏曰擇福莫若輕擇禍  
莫若重。曹斯言之可規。故鄧氏之墓。曹叔觀之嘆曰  
池塘小畜源脉淺者亦是乾流區穴多方。曆經一歷作  
蹙者皆為詭結。

李曰鄧父祖墓

張氏之墓。曹叔觀而題曰。勸君莫下低山。突四面水  
皆脫。勸君好下高山。壺四面水皆趨。張飛是皆以形  
勢言之。未聞貪狼厲貞之說也。蓋五鬼不行于正而

從邪偽騁奇理致既蔑天文地理曾不可推送終之道良其可悲

克人成天第三十

配祀五神即五行之返本識墳五土符五氣以還元  
隨五運之動靜應星辰之景曜一作能事以休質

寓真造之江山達二儀之清濁兆五福之幾先探其

理之可議索其迹之可觀詭結非形類蟻迢迢之脊

朽籒失勢方蚰各各之脣蚰以脣之行脣與趨水界山

住住山之盡水從山來來山之真水者山之準山者

水之儀儀準之道山水之因山者水之防水者山之

引防引之道。山水之遂。一作引之欲遠防之欲近引

之如戀。防之如軫。如陰陽之應。如剛柔之濟。是以積

宅之所允。踞脚不同於走脚。擡身有類于連身。踞脚

雖伸。只伸。一作伸于水內。擡身雖走。只走。一作走于

水濱。如鼈裙螺層。氣殄而不立。如龜肩虎跡。氣

鍾而有文。文者。光芒經緯之著。而發揮于積氣之墳。

鮮脫。袖垂之臂。刺刺風寒。挺。晉然又旃切也之八

夕壁。級之脣。冷冷乾瀟。去水鎗斜。橫風直透。勢既無

脉。形難捉。一作候左右交叉。勝負不同。于蟠尾枝柯

散派。凋零必至于枯根。來勢未住。去勢已奔。脉其已

斷氣其未還

已完作

固異鳳翼搏風尾必連于雲陣

蟄邏

郎位切

道跡亦曳于沙痕來得遠而住得深始

是得儀之主奇不正而耦不等是皆不令之寘

李曰此專說坐向欲左右相等或單峯三峯則取中峯為正或雙峯四峯則取中凹為正

又豈知根本枯而枝葉鮮不是長榮之木門徑華而

堂室陋都非久享之居回首當鋒原祖宗之準的繁

心續結

作勢

承氣脉之停儲又况尋龍之法始于三

哥曰赴曰卧曰蟠此緊而言之以覺其無遺詳而言之其勢有九曰引曰引曰騰曰降曰隱曰飛曰象生



三奇九氣  
心通十坐  
俱先乎

曰出洋曰領群其審如斯坐穴之法有四曰宗龍曰  
騎龍曰伏龍曰承龍又易之曰四鎮鎮頭鎮項鎮腹  
鎮足點穴之法有十坐額穴音鼻嶠準的有井耳停  
就鬚植鬚乳旁臍窩臍元文廣之曰十二座騰腔翹  
足一作於是乎得術之精微故曰騎于背嶠虞拱住  
而復行乃肩坦果汗藏而得溫額瞻得氣一作承額承氣  
勢遲只可遲魁

李曰魁者塊也

鼻額端崇形的宜於的一作壤切蓋也凡指穴之得  
失則精神顯晦氣槩之變易若天地遼邈嗟心目之

不明故不省而不覺侈埒

倉代切

不幾乎仁

郭璞云古者卿大夫有采地死葬之因以名之也

審過等

一作氣

之牆腰

騎項

一作魁

必貴于面旋懼分流

之杵握行龍散坦將星鍾端的之岑入路分明穴法

擬歸藏之窟

一作握

頭水下

一作輔門

雖拱亦非龍

一作臥

龍獻掌堂中夾室微穴而有穴當頭突住橫汗象捲

之奇透脚偏長旁蕩猿伸之結狂魚露頂可知與窟

之容枯木新梯

一作稚芽

當審逢春之發是以尋龍之緣

不其偶然主難難于擇術術亦難于擇賢况貪狼之

心已熾而厭真之心已捐故曰夷天陰洞天賜泰天

宇發天光、陟天嶽、徑天岡、降天隰、息天堂、宗天腴、擬  
天藏、遜天恃、緩天狂、環天衛、暗於感切聚氣也天黃、全天休、  
著天章、配天祀、遠天常、通天運、沅天昌、是以人擬而  
天顯、天勝而人亡、無勝無亡、天道彰彰。

二道釋微第三十一

天不人不成人不天不因此息道漏道所以分于以  
嘘五氣於鉗口、中以通五氣於風門

李曰息者氣息之息漏者便漏之漏此管氏以人  
身取象也

平不平而橫不橫分塗八字傾不傾而直不直鎖節

脚一作丁文故息道之道其巧拙以由人駁雜交宮縱  
清流而蹈濁躍真純入路凝綠鑑以照蒼淵漏道之  
道其形勢以天然如虎口之交牙金闕石瀝音實穴也又水  
名如犧牲之露角羅列侵雲如天門之外屏龜印虹  
津如之如玄各司于宮分分野如帶如練亦應於天  
文羅城列壁以杆吹重峯疊嶂以朝身謂水中  
格以定其分野

古曆云據山格水到水已差據水格山到山已訛  
沿山格山沿水格水水入宮分山入骨髓是也

坐穴直指法誑以紛紜一作倫矧有飛禽背嶠走獸有

均必騎龍之窠以就高窟須捲臂之腕以得沅分豈  
特三形之共自然四勢之朝溪渚長沅隱隱而外圍  
壺井乾沅一作壺平平而內遭四顧亦防而特聳方  
中豈見其崇高果缺欄檻而臨沅沅危切危或乏嶺  
較而當缺陷堪傷一作墜簷之結當嗟牛鼻之風  
飄外水隱然而長遠遠山屹爾以空高

騎龍着穴須愛捲珠為案以併八字沅水明堂却  
居干外三形四勢由一身而具遠山空高無用也  
是以顯設于堂門且嚴于抑塞深藏如室榻尤耻於  
衝嚙

此聯雖是叶韻又恐不續 李曰蕭特未思耳正

謂內案低伏穴場高露隔沙見外洋流水故目之

曰繳脚案外通透衝心散氣風吹不融結

雖然六相清英朝集為貴六替千維漏道之利二十

四山瀦澤無忌

易脉崇勢第三十二

險隰之脉欲其降易野之脉欲其崇崇不崇于巘崇

必崇于鍾崇如蛇蚺符遇鱗切蛇蚺行音蛇蚺蟻蟻則舉

頭微起莎草之中崇如螺踪隱隱隆隆經脉絡以膚

通崇則不披不散崇則有穴有容崇則聚氣崇則藏

風崇如伏龜兮，曳尾留痕於來歷。崇如覆拳兮，宗身

伸縮如臂蓬如蚓陌貝

布益切隧道音遂餘

如帛理屏

匡如秋霄幅列之漢如晴空縷抹之虹如蛛過簷引

遊絲而不斷如狼獵食踵遺蹤而必逢始者尚息于

雄傑要知特羨于平洋昏睡之息若吼若暴和暢之

氣不声不揚自昔東南艱苦暫時之業至今西北優

游累世之功

曰一木有偏不直直

銳不如圓

不如方方不如平平不如浩渺之滄浪

凡地勢崇起則暴露風吹謂之藏風者豈不以岡

脉之地崇其穴的則容穴深邃不淺淺當風若行

龍插地面則當風矣。

雖然、逐鹿亡盧。

盧者狗姓也。

揚鷹背鵲曠蕩何宗。斷獨不

續。則是火葬津埋之不若。

素曰、平洋如幅布無文無緒、是無岡脉。鷹之逐鵲、指前直射如矢撥機上勢無所差。若鷹背則是斷獨孤遺之形。

日者如儒

一作儒

流第三十三

為遷博物、研罔稽古、志地理則貴識風俗、書天文則恥窮骨髓、仲翔三夢臂不成于川流、梓慎九程、鉗矢思于丁鎖。



秦末李仲翔祖葬城紀三夢至人告曰其山形如  
川字法當戰死仲翔不信漢初果戰于狄道而死  
子栢考復夢如初遂葬仲翔于素昌因冢焉復夢  
至人告之曰吉但城紀之餘殃未衰耳曾孫廣五  
戰死廣孫陵復又沒敵晉梁武昭王李嵩乃仲翔  
十九世李曰魯史梓慎愛泥岡之遠隨程九日  
到窟嫌水去傾直棄之後鍾山真人呂大周喜其  
大江橫流鎖小水如丁字葬之大吉

况五鬼叨職七星詭譎符鳥語以冀童懽栗正妙切  
花言而要婦悅羞賓失主既失律于觀山背勢尋

形何果嘗于擬穴展屏面上、高高附鳳之危、排扛一作  
背間直直騎龍之兀、定貴賤不關於相貌、推壽夭  
罔兼于誕節、五行二氣不宗于理致、八卦九宮恣觀  
于歌訣、簸醜惡于衆規、矜奇特于他奪矜一作景  
凡五鬼圖山形以校獻者、必不肖輕容衆知、以他  
人爭奪驚其主

校主意以千門、凡客情之百出、揚眉伸目、翫山水于  
京、負仰面、擡鼻、誑星辰於翼、逸

京、翼、逸皆東漢之是

或若拙而罕言、或若巧而罕言、

果應于今日何貴耳而賤目必信訛而棄實寒儒  
者之厲貞肆異端之汨沒

汨沒乃侈造星也

噫送終之道人之至情禮義厲耻國之四維合著儒  
者之業胡為賈者之資故曰儒之沅、賊之汜禍之北  
福之隳是安得真儒大儒返其沅而為正之歸

五行五獸第三十四

五行之五位、五方之五色、五性之五神、五正之五德、  
五象之五獸、此皆不可差而不可易、青龍為鱗、蟲、朱  
雀為羽、翼、白虎為毛、蟲、玄武為介、蟲、中央居人而形

保功果黃庭貴之比鳳凰而衣錦玄丘歸藏而明堂  
有離隱一作之義故四獸止取四勢于東南西北五  
鬼竊之而求真誰其名而鼓惑曰麒麟曰鳳凰章光  
玉堂兮果何義而可釋况鳳凰既比居中之保曷又  
出占四方而謬則特指摘以證其非于以驗五鬼欺  
迷天下為無識

方園相勝第三十五

方者斯興尚守五行以參二氣園者欲勝已翻八卦  
而飾九星方者執而多忤五故園者順而有情忤者  
衆所拂情者衆所傾然富貴貧賤常並有而處世術

者一正一偽、每角立而抗衡、又况貧賤者衆、富貴者寡、以妄傳妄、故達術必減于妄術之声名、以偽傳偽、偽者縱橫散布、而正者於是乎不勝、是以魏氏出而章子淵時號仙藥、嬴氏作而卓思明時號真靈、惟嬴惟魏、固無心于術術、而章而卓亦豈逃于天刑、噫、圓術方術、固非不習者之所能曉、是稽是度、莫若審其傳授以何經、

圓術但以心術求售、不能傳于果、傳于其子則全不傳于父、

盖五行二氣、尚有經之可考、而文曲武曲、必無文之

可憑。惟心机口訣。單俗以籠衆。豈容繩墨以傳承。故曰。今之輕後之重。今之重後之輕。

詭結第三十六

詭結之說。不勝其異。為號氏之說。則曰。有山而無水。有形而無勢。內停而外馳。前趨而後背。為羸氏之說。則曰。叮嚀乾流而岡骨不任。枝葉來山而氣脉分布。內平而外不圓。後來而前不顧。二者之說。皆同軌而異度。曹叔之說。則又不然。絕頂騎龍而鉗溜。音水清。貌直懸當頭。宗龍而鼻吹。雙穿。或作牛鼻雙穿。半腰。夕龍而八字披瀝。沒脚承龍而失勢。卓寒是皆有形之可穴。

而無應應者四之可完若無形無水則不為結之證為之乾

心目圓機第三十七

蔡者承黃鍾之真氣也取少陰少陽于未奇未偶之  
先以順五行相替之理其正以山其輔以水由正而  
行得輔而止其行也由勢而來其止也以形而委勢  
向方而形入路水以為防山奮揀筆求切而水崇綱  
穴其如葉是以勢遠形深者氣之府也五帝五祀以  
之命慈孫而錫孝子勢促形散者氣之衰也五神五  
祀之所不居而猖孫蕩子之所喜故營營于擇福而

禍益媒茫茫於擇術而賊益詭惟頽然委順循然盡  
已擇福正其心田擇術必參其經音居之而不矜不  
計扣之而不竭不匱其道釋之虛無禍福審卜舍之  
同遠殊軌權星必由于五行言天必由于五土仰佑  
善之五音一作章格行災之五鬼故曰探天造索天機  
明天目聰天耳洞山水之關節得墳兆之表裏無分  
面過肩之不聚無穿鼻崩唇之不理無藏頭散背之  
不端無當腰附肋之不敵無肘後逆一作分流而勢不  
鍾無目前順流而形不峙無分屍之紫首無覆屍之  
水尾一作尾是以水未經于方鎮止為金粟之



界于江河斯結王侯之壘此水以聚為憑山以遠為  
主騰驤騰躍也如翼比之馬必橫水府而可容蛇蟻  
似常山之蛇不崇氣庫而何何一作取

釋名第三十八

積氣應星相江山而擇吉曉人有法因形勢以命名  
指山之盤礴者則有山龍之號指水之羅遠者則有  
水城之稱來歷則曰祖曰宗原其本始居中則曰宅  
曰兆可以歸藏曰夾室者則邃區穴而不露曰輔門  
者則保明堂而若防曰之玄竅者息道之磧決曰之  
玄隧者漏道之巖行

世俗多以炭引鉗口水則火氣炎盛謂之一氣侵  
凌五行絕滅惟磧石則善行水矣巖流者水口得  
巖關鎖則無變遷時俗謂之交牙石也遷者乃流  
痕小狹而不露者也

曰海眼者望之而廣博曰天壺者登之而寬平曰騰  
嶺者結頂而未住曰吐舌者含脣而未盛曰反肘者  
欲叛而棄主曰偏胃者欲脫而絕纓曰亂衣裼者一作  
山無領袖曰橫刀隴一作者山帶或作鋒芒

李曰蕭說復長凡入穴如笏出穴如鎗乃宣威執  
柄之形惟露在穴前者則為芒刃犯主始合凶應

曰含羞者對蛾眉之隴曰挾私者抱鷄卵之岡曰槎  
牙者非端正之幹曰籐蔓者非堅固之莖

撥沙云脫妻之山槎牙生籐蔓之山怕秋旱是也

曰蜿蜒者形勢之怒

一作拱

曰懸瀑者山水之直傾

曰朝宗者彙合川歸海之勢曰入廟者推配神造運  
之靈是皆以意逆意以情度情何況杳冥之跡曾無  
規矩之憑非公心者不能清其翳非明目者不能見  
其形得其道者必由于至妙通其數者必由于至精  
雖然尋龍雖難擇術有要惟義理之是稽則真偽之  
可較如治家之緝維在容心于門窻門者家之儀窻

者家之耗。虞奴婢之媚。儀虞賓客之暴。媚不慎則內  
外無閑。果不順。則子孫失教。主以是而擇術。術當求  
其要妙。子以見其精習。子以見其休貌。是以虢公見  
香笥而辭。樛里因博局而告。易鼎亨以養賢。豈養誤  
人之贓盜。

樛里遺書曰。昔虢公客于劉門。見僕隸皆帶蘭麝  
心。已怪之。居無何。知其在庖厨內食。意其與姬媿  
雜處。遂辭去。後劉氏家果不振。樛客其高門。因見  
其博局。惡之。已三四造遠矣。陰陽家以博局為提  
籬殺。主乞丐之應。以骰子為洗骨殺。主令屍之應。

今日之事後日之應可知

山水會遇第三十九

水隨山而行山界水而止界其分域止其逾越聚其  
氣而施耳水無山則氣散而不附山無水則氣塞而  
不理山如兵水如城駐兵之地非城不營山如堂水  
如牆高堂之居非牆不防山如君水如臣君臣都俞  
風化斯淳山如主水如賓賓主雍容情味相親故尋  
龍之術者稱之曰山水之士賊術之奴廝音斯後目也養也  
之曰行災之五鬼或曰蠢爾五鬼沿謬成徒說青龍  
白虎而不正其色誇天蓬天任而曷辯其墟忘堯舜

在躬之曆而心窒于理義誣帝王傳心之道而眼昧  
於玄微鬼則未離于一物賊叨若輩況五鬼之奴曰  
能齟富貴能瘦膏腴能廢祖先之祀能孽子孫之愚  
惟設誑人之巧亦由鬼力之餘曰維善不積自投于  
籍束籍以篋問以理義對必嘯切涉嚅汝具切嚅多  
孤兒寡婦猶或未信信之者必白面之儒

孤兒寡婦猶或知塋祖祀先之儀惟白面書生口  
誦經史心諳禮義冒頭啞尾頰舌騰榜謂無陰陽  
及至父兄暴露不得不埋即用賊鬼奴賊夷岡破  
阜妝造形勢一罹凶應便始遷移亦有掘出安留

寄寺院馬

嗚呼彼實一奴之陋委為衆智之愚

一本作主愚

安

得積善累德之門翱翔徜徉與之登青山翫綠水論  
六相六替以盡我之懽愉

盛衰改度第四十

當初窰坎遽誇今日之玄壙

李曰玄壙即玄廬也又曰乾室也黃廬土色之正  
玄壙玄室方中也如空室之謂蕭說未明王曰時  
俗到置門閣屋宇或與基地形勢不等或穿溝散  
氣不併合干一路一作元辰背戾陰陽屢矣可為太息

况此佳城。寧保千年之荒殯。江山形勢已俱非。氣緊

精神都一變。豈惟土復以洲移。何特山崩而地震。東

南多叢祔。音附合之像。西北屢堤埒。他井切水之豐

路穿青嶂已成蹊。水墾黃泥而易墀。之說堤岸也散

氣脉于溝渠。盡條枝于斧刃。既地形之改度。應天象

而轉運。况變數之有窮。如晝之必夜。如少之必老。其

理昭昭。則何煩而致問。斯干之詩曰。如竹苞矣。如松

茂矣。此宣王考室之作。亦賴衣毛之庇。潤孟子所謂

故國者。非謂有喬木之謂也。有世臣之謂也。矧松堤

音賴蓬顆得良嗣。守之之法。雖千年而一見。



埏埴冢之神道也、顓塊也、蓬者蒿里之義也、王曰  
玄璣者、真宅而已、玄與黃自是土地、水山形穴能  
變土色、何嘗變、前輩因字畫解釋、未覺其誤也、

擇術四十一

易曰、方以類聚、物以群分、吉凶生矣、方者八卦所居  
之方也、有方者昌焉、物者八卦所為之物也、有物者  
聚焉、一作麗方以類聚、則有術、物以群分、則有事、天下以方  
為術者、皆方之類、以物為事者、皆物之群、類非誠感  
則不至、群非理制則不分、陰陽之理、各以正勝、故吉凶  
生矣、又曰、在天成象、在地成形、變化見矣、積氣為天

其成衆者日月星辰也、積塊為地、其成形者金木水

火土也、形衆之成、神實使之、故變化見矣、又曰剛柔

相摩、八卦相盪、

音蕩、搖動也、

乾道成男、坤道成女、以至

于天下之理得而成位乎其中矣、剛者乾事也、柔者

坤事也、震坎艮索于乾而得男、巽离兌索于坤而得

女、如摩礪使之漸消、盪滌使之亟去、剛摩柔則柔消

而為晝、柔摩剛則剛去而為夜、震盪艮則為春、離盪

巽則為夏、兌盪坤則為秋、坎盪乾則為冬、故万物之

方生方死、五行之相生相克、盈虛消長、相代乎前而

莫知其所以自者、必有真宰存焉、持未得其朕爾、又曰

原始反終故知生死之說精氣為物遊魂為變生死以物言原生之始以知死之終反始之終以知生之始知生死之說則知變化矣精氣為物言化而生也游魂為變言變而死也形本于精氣構而為物生而有形原其始也自釋而至于壯自壯而至于老無時而不化也此所謂精氣為物也及其終也體魄降于地魂氣歸于天如雲之遊而無所不之此所謂游魂為變也生死以物言變化以鬼神言幽明雖殊其情狀一也散一為二故精在氣之先合二為一故氣與精同體死者魂氣歸天体魄降地魄白也西方之成

色也、如金之白不能變也、魂雲也、如雲之敷無所不  
之也、著于幽陰則魂載于魄、麗于陽明則遠魄從魂  
魂有所歸則能入神、以魂從神、如智入聖、自然相通  
矣、嗚呼聖人觀衆作易、幾微事物其道甚大、其旨甚  
悉、吉凶亨否之說、偏所以汎于日者之術、故葬者体  
魄藏于地、以配五土、魂氣遊于天、以配五星、此子孫  
之心也、骨肉歸復于土、命也、魂氣無所不之、是也、

三五釋微第四十二

一氣未分、五土胚暉于鰲極

斷鰲星以立極之意

五墟既正、列

星分野于龍樓、數有祥而有沴、應有喜而有憂、因夷

險之方寸得別一作形氣於瑩丘、縱舍偶三辭貌全五  
岳果配祀于五汾、花暫榮而暫落、惟五祀配于五祥  
則五靈鍾秀于造命之初、故子孫奕葉享富貴而延  
長、雖然身集三吉、心潛五凶、若和而戾、若厲而賊、若  
慈而忍、若容而抗、若遇惠一作而併、若何而巧、若拙  
之佐、才者德之亡、德亡心亡、五土不容、是以三吉淡  
五凶彰、此古人論心之道、非唯地理之章、若曰一二  
六八之叶吉、三四五七之不良、是則陽明之用、兼中  
典之五黃、若曰游魂之變、則五正中于太陽、一作言  
其數、乃四吉而四不滅、道本軒黃之道、流于嬴、號之

流尚乘地險以應天險

天地險山非丘陵日月星辰

必辯陰陽先

氣鍾而後福鍾皆由山水山水者陽明之著陰陽者

黃鍾之始以相体用以相表裏山來水橫水來山界

水性應山山性應水是則黃鍾陽明相融而相理故

曰山欲出禡水欲立出祖蓋期于顯祖豈栖栖奔

逐之倫承宗必貴於興宗有翼翼周遮之輔立已既

強于根本流慶必延于續嗣是故山尋佳脚連延則

未絕他情水愛環城反背則不鍾內氣又有來山遠

而去山平弯中作蕩發山奔而往山緩洿裏堪築拱

似抱嬰手有隨勤之辯平如仰掌臂分伸縮之情又

有穴駢肩項針防抃握之泥、案捲拳頭臂藉弓彎之  
綫、是則合勢全形、連身轉腕、崇高特取其寬平、左右  
不論其緊慢、彼有勢方行而形未佳、巧作虛鉗、身直  
去而脚橫伸、詭成端準、犬狎小來、氣之不從、本背枝  
披、莖之不允、或問變通之數、不過于五、曰非止五也、  
五數其主、以三配之、河圖之用八也、以四配之、洛書  
之用九也、以五配之、太玄之數十也、文王重之、則六  
十四也、老氏重之、則八十一也、誰將重之、則百百而  
不可禦、曰俗之所謂三凶三吉、則因于吉、三吉五凶、  
則因于凶、然山水之形勢、吉凶之態度、變動不常、安

卷之六

可執數而數。此亦聲言之復。一作習熟在條理而不齟

齬。樗里不云乎。短雜散。送。船。網。不。網。本不幹。遠深真

活順。有堂宇。有門。切。銳。楞。音稜。四偏反。兀。非。鳳。窠。非

龍窟。盤伏踞。端容。應星列。輔雲從。枯醜。卑。因。側。原。之

窮。谷。之。概。豐。巧。秀。剛。安。幅。無。類。祖。應。對。切。也。王無疵。阻。執

方。而。理。義。未。喪。何。期。五。鬼。而。爾。汝。相。讎。譎。強。謗。真。豈

達。遠。來。之。理。貪。迷。信。偽。遂。求。奴。厮。之。效。況。吉。則。三。吉

以。何。止。凶。豈。五。凶。之。不。同。拘。于。數。者。雖。因。剽。竊。之。誤

竊。其。說。者。則。為。紕。繆。之。尤。若。曰。地。陰。于。山。土。石。斯。兼

土。以。石。載。石。以。土。函。載。斯。不。陷。則。不。愆。而。不。類。函。斯



不露則不醜而不缺古人以石為山骨者必有理脉

以通天通以達天通息厖故曰維石巖巖其辯有三

似石非石似土非土割肪脂音房也截玉一本有五色目

不可烈而雨不可淹此又竈折之所堪彼有頑不通

氣堅不可鑿墓之如擲潭崎嶇突兀立屍植符稜稜

魯登颺颺墓之如塞胡此石山之墓衢所不談衢者

霜風剝裂而屑鐵飛灰草木黃落而塗朱散全蒲頓切

春融融而脉不膏雨淋淋而氣不蘊此重山之墓

衢之不先發將無踪過將無引三形失勢孤遺獨起

以何依五氣施絕作生四水一時而流盡此獨山之

墓。衡之所短。洪傷界水。段藕而系。不覺崩破。枯山。鋤  
瓜而藤。盡撲。金不隔于坑路。火即截于灶窰。截然。今  
日之徑。墾自積年之葦。音本此斷山之墓。衡之不獲  
來。未辨于東西。橫腰伸脚。去各趨于南北。臂脉唐鏹。  
蜈蚣習習之冊。趾高棟牙牙之畫簷。此過山之墓。衡  
之所嫌。山之不吉。其說固然。五數拘執。似亦未然。安得  
真儒大儒。迪以理義。開釋心志。吉凶山水。斯其信然。  
鰲屋發將祖山也。龍樓者。行龍發將之案。五凶却  
六凶後也。若何而防。此一句。以為五凶險毒。不可  
防。開有無。往來篇是也。天運者。天光也。兩山中所

曰陁絕音利山井坐六陁也丹趾蜈蚣之脚高揀牙  
牙短勢故也詳此一篇論五山最為詳備

山水釋微第四十三

凸閭粗蠢暴形不住勢不到。雄尊高特顯峻而平隘  
而展衝鎗直傾脫更崩層更夾脇急反分枯一作割

源之沴流之背橫長彎鎖透皆溪澗皆池沼平寬朝

澤掩山之限氣之造曰是則句讀音之五字豈五數

以盡吉凶之道曰儒者之術亦當如是以稽攷或問

朝水行水之辯曰朝如潮漲博觀海眼海眼虹襟皆之

臨行似衡平橫展虹襟之蘊來虞衝突之鏢音鏢也

傷去忌鎗斜之岐引或問相土之法曰風霜剝裂以  
灰蘖水瘠淋漓而沙汰天和忤運地淫作瘵澤不容  
于膏脉氣不鍾于蔭薈鳥多切惟五色之玄壺茂千  
億之丹桂或問隔案之水與隔砂之峯曰水抱案而  
案則真水隔山而山不從連身失顧山一作連於氣脉  
隔沙徒貪于观望逐一澄之雖未至于相悖再三思  
之亦不幾于無用亦有鉗蔽明堂應朝玄壺雖經隔  
涉自相和偶或問枉住與詭結曰有勢無形曰枉住  
有形無勢曰詭結枉住則前散詭結則後絕或問客  
土不仁曰陟嶽著心福有可期之數司冥奪魄災興

不計之計、抗方見鄙之所始、伺辭投合之相因、未必  
成、形之改變、當悲傷脉之夷、冥失、鯀可進而氣難  
盡、元一憊而壽非椿、賊賊沈机、巧謬固賢于精、魚  
鹿然移山、塞海、其愚不可以毫分、故曰、葬之自然、五  
福之所、葬之人、偽六極之墜、是以竅混沌而聾、天聰  
砭彼除病切、胚暉而創、與瘡、天疾僻其凶、而益凶、造  
其吉而豈吉、或問小地大地之間、曰、大地無形、融結  
氣、槩小地無揆、精神聚會、此則陰夷之不同、不論高  
低之寬隘、高山寬水、如鳳翥龍蟠、低山隘應如蛇蚶  
魚隊、或層層疊疊、衆樓閣以連城、或隱隱微微、蛇江

漢于一帶、貴賤但分于清濁、聚散以商其成敗、延促  
固現于長短、巧拙不論于小大、或問左右偏枯、曰左  
形全而右勢就、左勢就而右形全、是則剛柔相得、牝  
牡相成之意、未為一勝而一偏、惟左抱而右反、右位  
而左奔、左舉而右掣、左撫而右利、吾完切左傳而右  
隨、左盛而右翻、左連而右斷、右完而左痕、左顧而右  
背、右去而左躡、左防而右脫、右澤而左乾、故曰左勢  
就而左形全、右偏休、亡右形全而右勢就、左挫唯安、  
倒棟懸簷、不知其絕頂、崩脅溜洋、不知其脫元、帶劍  
斜傾、去不知其漏腋、雲奔雷吼、來不知其激湍、漱齒

泣淚不知其悲嗟目於亦如田塋開墾不知其乏源心  
不任于目而任于耳術不得于方而擇于圓罪莫大  
于夷天倪

倪莊子音崖天涯天然也

賊莫大于投機先豈知雲芳翻翻散漫總収于咽結  
珠形斷續元因發露于絲連

### 降勢住形第四十四

來山為勢結的成形勢如根本形如葉英英華

則實固根遠則幹榮形曰住者蓋來遠而住近勢曰  
降者蓋從高而降平勢止形就形結勢泊勢欲其住

形欲其縮勢似將軍成道有旌旗輜前持切駢車重

之隨形如刺史臨藩見倉宇城郭之郭郭音夫即遠也以

觀勢雖畧而真近以認形雖約而博降之真則一氣

歛集而不分住之博則四應咸庇於一策降則後降

而來住則前往而回山來水來氣鍾一魁山回水回

玄魁之才形承勢降惟慮其縱勢隨形住惟慮其去

降則氣聚聚則衆所輔住則氣停停則衆所憑是則

原其起伏察其開節審其逆順防其逾越若住則降

若降則住其降如赴其住如馮如主過賓如親遇故

如鸞遇鳳而必鳴如虎而必顧酌其容受保其



環護看其精神、自其氣度、尋仰掌之掌心、尋獻掌之  
窠、湊故曰旋天机、妙天目、助天工、脩天祿、安天造、假各  
也切至天福、古人以發將為祖、以降勢為宗、以住形為  
已身、以應案明堂為子孫、亶斯言之至確、

離寶親偽第四十五

古人設棺槨以代警、為之彈、

上古父母之喪、束帛茅簣之野、烏鳶啄之、於是孝  
子遂作彈以警之、

後世葬形勢以術、尋龍之決、方術執之、猶未離于五  
形二氣、圓術誕之、乃神于九星三吉、吉何吉而區區、

星何星而屑屑、妄人自衒其聰明、叨心絕耻、涼嗣亶  
然其玄妙提耳不回、驍力驅之而不遠、羸公釋之而  
不開

驍有驅五形論羸有釋圍歌

掬脊占巨貪之門、瓜胖翻輔、弼之釵、天蓬鎮五形之  
壠、天英鍾三傑之魁、望隔涉之閑峯、指為氣應、見施  
蹤之詭結、道是龍來、長槽直溜、兮不知其僊、步拜切  
元雲奔雷吼兮、不知其傷臆、鉗頭開瓜兮、不知其分  
戾、腕裏分流兮、不知其溜腋、雲絕不知其氣凌、沈絕  
不知其氣窅、形之四散、不知其云、凶勢之四背、不知

其六極免有兔耳不知其爭主馬蹄馬鬣不知其無  
的豢主聽之而耳聾愚婦聞之而心悅諱衝曰朝不  
道明堂之破碎嫌橫為過寧知海眼之寬博雖由目  
之不習亦在心之所作有鬼神兮奪君魂妬君福垂  
君信兮移君志驕君目高絕懽心于覲望低絕怡情  
于燕窩是以世世脩德莫如周果應食龜之洛